

BIBLE LAGA
GIRJA
(Nagamese)

By
J.C.Choate

World Evangelism Publications
Winona, Mississippi

© Copyright, World Evangelism Publications

This printing - 5,000 copies - 2025 – **Nagamese**

InDesign Layout: Shane Fisher

Translated by: David Jajo

Proofread by: Alex Gangmei

WhatsApp number: (+91)7896593096

Phone number: 7002886869

Email: davidjajo@rediffmail.com

Websites:

www.worldangelismlibrary.org

www.gospelgazette.com

www.worldangelism.org

www.worldangelismmedia.com

ITU KITAP BIBLE CORRESPONDANCE COURSE EKTA HOIKENE BEBOHAR KORIBO MON KORA KHAN KORANE JANAI DISE.

Morompara etu adhyayn samogree Bhal ke Pura puri porhibi, apanilaka Bible logote athabaa Notun Niyom, aru ekta alak kagosh pata ekta lobi aru uttor dibi prosna khantu ekta ekta paat kori kene. Nissik hobi etu kagosh pata uporte etu uttor diya prosna khan to Paat One, Paat Two, athabaa jiyei nahauk paat apni pora ekta somai te aawaran kora laga ase kowa to. Kitap tu apani nijor korane sambal ke rakhibi, apani pora uttor diyakhan protito paat laga uttor khan tu hei pathai dibi. Ekki homoite charita panchta uttor khan apni jama koribo mon koribo pare, aru ki rank hobo lage kowa amikhan saidiya bichete wapash pathai dibo, aru Eneke etu gitap sampurn nakora homoi tak eneka hoi thakibo. Ovinandon korise apni pora etu dhara lowa korane, aru apnike etu pora dangor ge foita powa hobo.

Likha Manu pora

BIHOY KHAN

PAAT 1- GIRJA LAGA ARTHA.....	4
PAAT 2- ETU GIRJA AHA.....	7
PAAT 3- GIRJA PROTISTHAN KORA.....	10
PAAT 4 - GIRJA LAGA PORICHOY (IDENTITY).....	13
PAAT 5 - GIRJA LAGA NAAM.....	17
PAAT 6 - GIRJA LAGA SANGADHAN.....	20
PAAT 7- GIRJA TE HUMA.....	24
PAAT 8 - GIRJA LAGA UPASONA (WORSHIP).....	27
PAAT 9 - GIRJA LAGA KAAM KHAN.....	30
PAAT 10 - GIRJA LAGA OIKYA.....	34
PAAT 11 - GIRJA LAGA SIKHA.....	37
PAAT 12 - GIRJA LAGA ITIHASH.....	40
PAAT 13 - AJILAGA GIRJA.....	44

PAAT 1

GIRJA LAGA ARTHA

Bible pora ekta girja laga kotha koi kowa namanna manu konobhi na-thakibo. Hoilebhi, kun laga girja ase? Kuntu girja? Ki girja? Etu prosna khan, arubhi bisi khan bhi, thik pora thik somai te uttor dibo. Hoilebhi etiya ami “girja ki ase” kowa bisiri lobo.

Ki nahoi, etu khan bhale pora bisiri loi kene shuru koribo. Bible te likhi kene thakha girja to Catholic nahoi, catholic ke namanni kene olai aha khan nahoi, athaba yuhudi khan bhi nahoi. Etu dhormogusthan (denomination), aantohdhormiya (interdenomination), athaba bhag khan bhi nahoi. Etu ra-jnitik sangadhon (political organization) aru dusra somajit sangadhon (social organization) aru somugra mal bostu milan ghor bhi nahoi. Sob etu khan nahoi le to, etu ki hoi?

Jada manu girja ke buji napai, kilemane girja ki ase kowa najane. Kar-jabhal (consequently), girja laga uddeshya (purpose) najane, etu laga gurut-wopuran (importance) bhi, athaba etu laga kaam khan bhi najane. Kintu Bible pora sabha ke koi di kene ase etu ki ase kowa. “Girja” kowa kotha to Greek kotha Ekklesia kowa kotha pora ahise, etu laga artha “pahar te mati kene aha.” Etu korne, girja to pahar te mati aha manu khan pora bona gaw hoi, songsar pora pahar te matti loi kene tai laga nijor morom kora chokhra laga rajya te humai dia khan ase (Colossians 1:13).

Etu Khrista laga aadhmik gaw ase (1 Corinthians 12:27), Khrista ke kotha manna khan pora bonai diya hoi (Hebrews 5:8–9), aru etu korane tai pora puritran diya khan to tai laga girja te hali dise (Mark 16:16; Acts 2:47). Dusra halidiya rastate kole, girja to Khrista laga chela khan pora bonai se.

Bible te girja kowa kotha duita arthate dekhipai. Protham, etu ke sorb-hojoneen (universal) artha te koi. Etu Khrista laga mon te thakhise, tai pora eneke kowa somaite, “*Moi etu bhi tumike koi ase, tumi Peter ase, aru etu pathor up-orte Moi laga girja bonabo. Aru Hades laga hokti pora etu girja ke eku koribo na paribo*” (Matthew 16:18). Girja kowa kotha ke etu nisena kowa dusra pod khan bisi ase, girja ke sorbojoneen anubhav te bebohar kora jagah. Mane, jinis shong-sar jagah te girja pabo pare. Etu girja Bible laga girja hoi le, Jesu pora banabo kowa girja tu hoi.

Duta number te, sthanya anubhav te koi kene ase. Proman korane, Paul pora Rome te thakha girja ke likhiya somai te, tai mondali khan bisi thakha kotha te koi asele, tai koi se, “*Khrista laga girja khan pora subhessa (greet) kori se, tumi khan ke*” (Romans 16:16). Dhormogusthi girja khan bisi thakha anubhav te tai kowa nai, kintu tai probhu laga girja sthanya mondali khan laga anub-

hav te koi se. Agoloi byakhya (further explain) koribo kole, sastra khan pora Corinth te thakha girja, Ephesus te thakha girja, Philippi te thakha girja—heneka heneka kowa khan apni dekhi pabo. Etu khan sob to kisuman korane to olop beevrantikar (confusing) hoi, kintu tai khan laga mon te girja ase kole to dhormogusthi he mon te bhabona loi jai. Kintu apni kitiyabhi prothom dhormogusthi (denomination) girja koi kene likhi thakha apni dekhi napabo Isor laga kotha te. Purbor gosorto, Ake laga khotona, mondali khan koi kene likhi thakha apni dekhi paise, aru protito mondali to probhu laga girja ekta jati ekta jagah thakha hoi, kintu taikhan sob milai kene sorbojoneen girja bonai se. Dhormogusthi anubhav phelai kene/pahori kene Bible te jai kene bisiri le, probhu pora diya girja teneka he dekhi pabo.

Agoloi kene girja laga artha to buji pabole amikhan ke honghai hoba kole to, amikhan jani lobo manie Bible pora eneka dekhaise:

1. **Khrista laga gaw:** Etu Khrista laga aadhyatmik gaw hoi, Khrista pora etu laga matha hoi kene (Ephesians 5:23). Gaw ekta matro he ase (Ephesians 4:4), ekta matro thakha gaw tu ekta matro thakha girja hoi (Colossians 1:18).

2. **Isor laga pariyal:** Sastra khan te “ghor” kowa kotha to pariyal ke koi ase, etu pora amikhan ke girja to Isor laga pariyal ase kowa bujabole korane honghai korise. 1 Timothy 3:15 te Paul pora koise, mane Isor laga pariyal to jivit Isor laga girja ase. Isor tu pitree ase, amikhan baja khan tai laga ase (Galatians 3:26–27; Ephesians 1:3).

3. **Isor laga rajya:** Rajya pora ekta raja lage kowa dekhaise, aru etu korane, Khrista to raja ase (Revelation 17:14). Kintu, raja hobo kole, etiya rajya thakhibo lage, aru etu ase (Acts 8:12). Amikhan tai laga prajakhan ase, aru prithibi tai laga aaso (territory) ase, aru Notun Niyom etu laga aiyin ase. Aito girja tu ase (Matthew 16:18–19).

4. **Prabhu laga angur bagan:** Khrista to aangur gosh ase, aru khristan khan to sakhabor (branches) ase (John 15:1–8). Iyate dhaarona to bagan te kam kora aru prabhu korane fol (fruit) deya hoi.

Eneka, girja laga sangyit (defined) kora hoi. Etu bihoy to bhal ke poribi sastra laga pahor te, aru nijor korane sailobi. Isor pora girja keneka thakhibo mon kore kowa dekhi le, apni laga aadat sob badla bo lage, aru apni laga ji-von bhi badla hoi jabo.

PROSNA KHAN

Thik uttor khan ghura koribi.

- | | |
|------------------|-------------------------------------|
| HOI NAHOI | 1. Bible pora ekta girja kotha koi. |
| HOI NAHOI | 2. Girja to catholic ase. |

HOI NAHOI	3. Jata manu khan girja bhal ke buji pai.
HOI NAHOI	4. Girja kowa kotha to Bible te ekta anubhav te koi.
HOI NAHOI	5. Khrista pora tai laga girja khan bonabo koise.
HOI NAHOI	6. Asia te thakha girja sath ta thakha to sath ta dhormogusthi khan ke hoi.
HOI NAHOI	7. Girja to Khrista laga gaw hoi.
HOI NAHOI	8. Ekta matro gaw ase
HOI NAHOI	9. Girja laga matha to Khrista ase.
HOI NAHOI	10. Rajya to aha nai ahibo.

Morom pora thik ke uttor dibi.

1. Girja nahowa khan alop likhi bi?
2. Ki greek kotha pora girja kowa kotha to ahise?
3. Girja to ki pora bonai se?
4. Girja kowa kotha ki anubhav te bebohar kori se?
5. Kun pora tai laga girja bona bo koise?
6. Kiman girja bonai se tai pora?
7. Asia te thakha sath girja khan to ki girja ase?
8. Gaw kiman ase?
9. Raja khan laga Raja kun ase?
10. Probhu laga angur bagan te amikhan ki koribo lage?

Morom pora khata ke sangya(definition) dibi.

1. Ekklesia
2. Khrista laga gaw
3. Isor laga Porayal
4. Isor laga Rajya
5. Probhu laga angur bagan

PAAT 2

ETU GIRJA AHA

Girja to ekta rati te he aha nahoi. Kilemane, eneka hobo koi kene bhabona kora ase, vawishyadanee kora (prophecy) ase, aru vada bhi kori kene ase, eneka hoi kene biche te sthapon korise. Etu kowa khan Bible te shabha ke likhi kene ase.

Prothom, etu girja to Isor laga mon te thakhi ase. Paul pora Ephesus te thakha pobitro khan ke koidise. Tai pora koise,

“Jesu Khrista laga Isor aru Baba ke proshansa thakibo dibi, jun pora amikhan ke atma laga sob asirbad dise, Khrista dwara, jineka Isor amikhan ke prithibi bona ake te bisari loise, tai usorte pobitro aru galti nahoikene thakibo nimite. Tai laga itchate Jesu Khrista dwara amikhan ke Tai nijor laga pali luwa bacha khan hobole basi loise, Tai laga anugrah laga mahima juntu Tai amikhan ke ene pora dise Tai laga sobse morom thaka ekjon chokra dwara.” (Ephesians 1:3–6)

Etu jani lobi, kintu etu tai pora Ephesus te thakha girja ke likhi kene kowa kotha ase de. Motlob, Isor pora amikhan ke prithibi nabona akete chun loise kowa kotha ase. Mane, Isor pora prithibi nabona ake te bhi girja laga kotha to bhabona kori kene ase. Etu to. Etu somaite tai bhabona kori ase, aru etu korane etu Isor laga mon te shuru hoise. Etu korane Isor pora shuru pora bhabona kori kene thakha girja ke mamuli aru niche te thoi kene bhabona kora to ajuktikar (absurd) kora hobo.

Duita te, girja sthapon kora laga kotha to bisi bar vawishyadanee kora ase. Nobee (prophet) Isaiah pora eneke koise: *“Piche te eneke hobo, kilemane Probhu laga ghar laga porpot (mountain) dangor porpot khan laga majota sob se ujah porpot hoi kene bonabo; porpot khan pora ujah hobo, aru sob jaati khan utaite homabo. Aru bisi jaati khan ahi kene kobo: ahibi, amikhan Probhu laga porpot te, aru Jacob laga Isor laga ghar te jabo; tenika Tai pora amikhan Tai laga rashta sikhai kene amikhan Tai laga rashta te jabo. Kilemane, Zion pora aiyin olabo aru Probhu laga kotha Jerusalem pora olabo.”* (Isaiah 2:2–3)

Nobee Joel pora bhi eneka koise: *“Aru bichete eneka hobo, kilemane, gaw thaka sob uporte Moi laga atma pheilaidibo; chokra chokri khan vawishyadanee (prophecy) koribo, prasinsokol (elders) khan pora savna dekhibo, javan chokra khan durdoshi (visions) dekhibo. Chokra sewok khan aru chokri sewok khan uporte Moi laga atma pheilabo.”* (Joel 2:28–29)

Awokhekhhot (at last), nobee Daniel pora eneka koise: *“Etu homoi te ujah bhalelaga Isor pora mosbut rajya ekta bonabo, aru etu laga hokti to dusra jaati logote nadibo. Etu pora dusra rajyakan ke mahing kori dibo, aru etu hodaidin thaki jabo.”* (Daniel 2:44)

Etiya yatte ekta upasanghar loi lobo:

1. Hekh howa din khan te rajya to sthapon koribo.
2. Etu porpot khan uporte sthapon koribo.

3. Sob jaati khan utai te homabo.
4. Gaw thaka atma khan sob laga uporte Tai laga atma pheilaidibo.
5. Charita howa raja laga dinte rajya — mane Isor laga rajya — sthapon koribo.
6. Etu rajya pora dusra rajya khan ke jiti kene etu rajya khara hoi thakibo hodaidin.

Etiya, vawishyadane khan kot ponchise? Acts 2 poribi.

Tinta te, girja to wada kori kene thakise. John pora rajya hat te ase koise (Matthew 3:2). Etu laga motlob osorte ahi se — bisi dur nahoi, athaba jalti ke sthapon kora hoi jabo.

Khrista pora wada korise: “*Moi etu bhi tumike koi ase, tumi Peter ase, aru etu pathor uporte Moi laga girja bonabo. Aru Hades laga hokti pora etu girja ke eku koribo naparibo.*” (Matthew 16:18)

Tai pora taikhan ke koise: “*Hosa pora Moi tumikhan ke kobo, yate khara thaka kunba khan namoribo jitia tak Isor rajya laga takot loi kene aha ke nadikhebo.*” (Mark 9:1)

Etu nimite Isor kotha te eneka likha ase: “*Khrista dukh pabo, aru mora pora tin dinte jee uthibo; aru mon ghurabole aru paap pora khyama pabole sob desh te prochar koribo, Jerusalem pora shuru hobo. Moi tumikhan ke Baba pora ki kosom dise, etu te pathai ase, kintu tumikhan Jerusalem chari kene najabi jitia tak Sorgo laga takot tumikhan uporte nahe.*” (Luke 24:46–49)

Etiya niche te di kene thaka prodhan khan bhal ke bhabona kori sabi:

1. Rajya to nosdik te ahise koi se.
2. Khrista pora mori le bhi sthapon koribo koise.
3. Etu homoi te Khrista laga chela khan kisuman to namori kene rajya hokot logote aha dikhibo.
4. Etu hokot logote ahibo.
5. Tai laga naam te mon ghurabole aru paap pora khyama pabole sob desh te prochar koribo.
6. Etu Jerusalem pora shuru koribo.
7. Jerusalem te chela khan laga uporte upor bhale pora tokot ahibo.

Etu bindu khan mon te rakhi kene, amikhan pora girja sthapon kora kotha te aha homoi te tumikhan pora etu shabha ke khola ke dekhi pabo.

Etiya amikhan Acts 2 ahibo. Eneka kora te, bisi par bhal ke poribi. Bible pondit khan pora eneka homoi te girja sthapon kori se kowa manne. Tadupori (furthermore), sthapon kora jagah to Jerusalem te ase; somoi to hek howa dinte, Rome sorgar raja khan pora ridan kora dinte ase; hokot ahise, mon ghurabole aru paap pora khyama pabole sob desh te prochar korise. Etu

din pora loi girja sthapon kori kene thakhi ase.

Tenika, hoikene ake pora Isor laga mon te thaki kene bhabona kora girja to sthapon korise, vawishyadanee khan pura ponchise. Etu hobo koi kene wada kora rakhise Tai pora.

PROSNA KHAN

Morom pora thik pora uttor dibi

1. Protham girja to kote thakhi asele?
2. Ketiya Isor pora girja chun loise?
3. Isor laga rajya ahibo koi kene vawishyadanee kora nobee tin ta laga naam kobi?
4. Rajya to kiman deri ke khara kori thakibo?
5. Girja bonabo koi kene kun pora wada korise?
6. Tai pora kun laga girja bona bole wada korise?
7. Tai pora kiman girja bonabo koikene wada korise?
8. Girja to ki logote ahibo koise?
9. Jerusalem te ki prochar koribo koise?
10. Girja sthapon kora kotha kotte pori paise?

Thik howa aru galati circle koribi.

THIKHOI / GALATI HOI 11. Girja sthapon kora kotha to bhabona kori kene thaki se, vawishyadanee korise, wada korise aru piche somai te sthapon korise.

THIK ASE / GALATI ASE 12. Ake pora girja to Isor laga mon te thaki ase.

THIK ASE / GALATI ASE 13. John pora koise rajya asor te ahise.

THIK ASE / GALATI ASE 14. Rajya to takot logote ahibole ase.

THIK ASE / GALATI ASE 15. Khrista laga naam te sob jaati ke mon ghura bole aru paap pora khyama pabole sob desh te prochar koribo.

THIK ASE / GALATI ASE 16. Girja to Jerusalem te shuru koribole se.

THIK ASE / GALATI ASE 17. Acts 2 pora girja shuru kora laga kotha koi.

THIK ASE / GALATI ASE 18. Etu Rome sorga laga raja khan raja hoi thaka somai te hoi se.

THIK ASE / GALATI ASE 19. Hekhowa din khan shuru hoise.

THIK ASE / GALATI ASE 20. Nobee khan laga vawishyadanee kotha aru wada khan ponjise aru rakhise.

Morom pora sampurn koribi.

1. “Tai laga pitorte amikhan ke tai pora chun lowa anusori...

2. “Aru eneka hobo...
3. “Sorgo laga Isor pora rajya ekta khara korabo, etu ketiya bhi...
4. “Moi pora bonabo...
5. “Sob jaati ke mon ghura bole aru paap pora khyama pabole sob desh te prochar koribo, shuru koribo...

PAAT 3

GIRJA PROTISTHAN KORA

Amikhan laga ake laga paat khan te amikhan Isaiah 2:2–3, Joel 2:28–29, aru Daniel 2:44 te saise Probhu laga Rajya (athaba Girja) sthapon koribo hekhowa din khan te, Jerusalem te, Popitro Aatma aha homoi te, aru sob jaati utaite homabo, aru etu khara kori thakibo. Piche Khrista pora wada korise Matthew 16:18, Mark 9:1, aru Luke 24:46–49 te, Tai pora Tai laga girja bonabo, aru sob jaati ke mon ghura bole aru paap pora khyama pabole sob desh te prochar koribo Tai laga naam te.

Etiya Acts 2 kholi kene porhile, etu adhyi matro debi pabo mane vaw-ishyadanee ponchise aru wada khan sob rakhise kowa to.

Amikhan pora Acts 2 porhi homoi te, amikhan jane kintu pachonisokol khan etu somai te sob Jerusalem sahar te thaki asele.

“Jitia Pentecost din ahise, biswasi khan sob ek jagah te joma hoise. Aru achanak ta te awaj ekta sorgo pora ahise, aru taikhan bohi thaka pura ghor to bhorta hoi jaise. Titia taikhan age te juli thaka jui nisena ulaise, aru ekjon-ekjon uporte bohi jaise. Aru taikhan sob Pobitro Atma pora bhorta hoise aru alag kotha pora kobole shuru hoise, Atma pora taikhan ke dusra bhasa pora kobole sikhai dise. Aru Jerusalem te Isor jana Yehudi manu khan thakise, aru akas nichete thaka sob desh pora ahikena ta te thakise. Aru jitia etu awaj ulaise, ta te manu khan sob ahi kene asurit lagise kelemene taikhan nijor laga kotha pora koi thaka hunise” (Acts 2:1–6)

Nothibhuktta ake bari kena kisim kisim jaati khan thakha kotha koise, “*Taikhan sob asurit pora bhabona kori kene, aru ekjon-ekjon ke koise, “Etu laga ki motlob ase?” Kintu dusra biswasi khan pora sorom khilai kene koise, “Taikhan nisa pani kori kene ase.” Kintu Peter egaroh jon logote khara hoi kene jor pora taikhan ke koise, “Judea laga manu khan aru Jerusalem te thaka khan, apnikhan etu jani lobi, aru moi ki koi ase etu bhal kori kene huni lobi. Kintu etu manu khan to apuni khan pora bhabona kora nisena nisa pani khai kene thaka nohoi, kelemene etiya phojur nou-baji he ase. Kintu etu kotha bhabobadi Joel pora koise: ‘Eneka hekh dinte hobo, Isor pora koise, Moi laga Atma sob manu uporte di dibo. Tumikhan laga chokra chukri khan pora bhabobani koribo, Aru jawan manu khan darshan pabo, Aru bura manu khan sapna dikhibo.’ Aru jun manu hekh homoi tak*

PROBHU laga naam loi kene thake tai bachi jabo.” (Acts 2:12–17, 21)

Ji hoiase etu sob Pohoila laga vawishyadane khan ponchi ase kowa dekhai diya pichete, Peter pora tai laga dhormadhoni te shuru korise. Tai pora dekhaise mane keneka Jesu to Isor pora manu majote anumodit (approved) howa manu ase — tai laga dwara aloukik ghotona khan (miracles), aru aasorit kam khan kora, aru chin khan tu korise — tai pora Jesu laga dwara taikhan laga pitorte. Etu pichete tai koise mane eneka Khrista ke loikene keneka counsel te dise aru keneka beya hat pora khrush te moraidise aru marise.

Tai pora aru dikhai diya korise mane Isor pora tai ke uthaidise, mri-tyu laga bik pora kholidide. Tai ke huniya khan ke etu laga manti karowa (convince) korane David ke uddhriti (quote) korise — Khrista jinta thakhi ase, morise, aru dabai dise, aru jinta hoi kene uthise, aru etu pichete sorgo te uthijaise singhason laga Isor laga dyna bohoibole korane kowa to dekhable korane. Jisu ke Isor he jinda kori dise, aru amikhan sob Jisu jee-utha laga gawahi ase.

Etu nimite Taike Isor laga dyna hathte bohahi kene uthai dise aru Baba Isor pora Tai laga Pobitro Atma amikhan uporte di dise, juntu apnikhan dikhi ase aru huni bole pari ase.

Keleman David to sorgote uthai loi juwa nai, kintu tai nije koise, “PROPHO he moi laga Probhu ke koise, ‘Ami laga dyna hathte bohahi, Jitia tak tumi laga dushman khan ke tumi laga theng rakha jaga bonai nadiye.’” Etu karone, Israel te jiman ghor ase etu jani lobi, Isor pora Taike Probhu aru Khrista bonai dise, etu Jisu, junke tumikhan Cross te morai dise.” Jitia etu kotha hunise, taikhan monte jokhom paise, aru Peter aru ta te thaka apostle khan ke koise, “Bhai khan, amikhan ki koribo?” Titia Peter taikhan ke jowab dise, “Mon ghura bhi, moi koi ase, aru baptizma koribi, sob manu, Jisu Khrista naam pora, nijor laga paap nimite, titia tumikhan Pobitro Atma laga inam pabo. Keleman etu Isor laga kosom apuni aru apuni khan laga bacha khan nimite ase, aru Probhu Isor pora junke matibo, taikhan nimite bhi ase.” Tai aru bisi kotha pora gawahi dikena taikhan ke samjai se, aru koise, “Nijorke biya manu khan pora bachai rakhibi.” Titia taikhan sob huni kene baptizma loise, aru tin hajar jon thaka biswasi khan logote aru bhi ginti kori loise. Aru hodai Isor ke dhanyabad kori kene, aru sob logot pora morom paikene thakise. Aru hodai jiman Probhu logot biswas kori loi, taikhan majote ginti hoi thakise.

Aketa laga sastra khan te Probhu laga girja sthapon korise. Etu khan sob Jerusalem te hoise kowa apnikhan dekhi pabo, Popitro Atma laga tagot bachoni khan laga uporte pheilai dise. Jikono hoise etu ake laga purana ba-

bobani khan ponjise. Peter pora etu sida ke koise, “Kintu etu kotha bhabobani Joel pora koise:” (Acts 2:16). Etu koran eku sandeh (doubt) hobola nai.

Tatdupori, Nabee khan pora koise mane eneka khan hobo hekhowa din khan te, aru Peter pora koise etu Nabee khan pora eneka hobo kowa khan to jineka hoi ase, etu hoile girja to hekhowa din khan te sthapon korise. Jat sob etu din te jama ase, mon badala aru paap khyama kora to prachar korise, aru 3,000 man kotha manise aru basa paise, aru Probhu pora Probhu laga girja hallidise.

Etu korane, Khrista pora Tai laga girja sthapon korise Jerusalem AD 30 te, aru etu din pora loi kene hodaidin thakhi ase.

PROSNA KHAN

Etu kun pora koise kowa uttor dibi.

1. Kun pora Tai laga girja bonabo koise?
2. Kun pora koise “Aru hekhowa din te eneke hoba, Isor pora koise, gaw thaka sob uporte Moi laga atma pheilai dibo”?
3. Kun pora koise “Probhupora moilaga Probhuke koise, moi laga daine bhale Bohibi”?
4. Kun pora koise “Mon ghurabi aru tumikhan laga paap khyama pabole Jesu laga naam loi kene tumikhan sob baptisma lobi”?
5. Kun pora koise “Nijorke biya manu khan pora bachai rakhibi”?

Babobani khan dibi.

1. Ketiya Probhu laga rajya sthapon koribo koise?
2. Aru rajya to ki soher te sthapon koribo koise?
3. Rajya te kiman homabo koise?
4. Etu ki logote ahibo koise?
5. Etu kiman din khara kori thakibo koise?

Wada kora khan dibi.

1. Kun pora girja to bonabo?
2. Ki logote etu ahibo koise?
3. Ki prochar koribo?
4. Etu kiman jaati khan ke prochar koridibo?
5. Aru etu kun laga naam te prochar koribo koise?

Anugraha kori Acts 2 pora etu prosna khan uttor dibi.

1. Kun khan pora Popitro Atma paise?

2. Tai thakha laga chin khan to ki ase?
3. Peter pora keneka manukhan Khrista to Isor laga Chokra ase kowa biswas dilaise?
4. Manukhan pora ki prosna hudise? Aru ki uttor dise?
5. Poritran powa khan ke kun pora girja hali dise?

Anugraha kori matlap kobi

1. Girja
2. Babobani kotha
3. Pentecost
4. Mon ghura
5. Baptisma

PART 4

GIRJA LAGA PORICHOY (IDENTITY)

Bisi din harai kene thaka sathi ke keneka bisari lobo? Swavawikote,(naturally) tai laga chin khan tumi pora sob jama korilobo aru bisiri shuru hobo. Ek jon ke powa te chin khan sob ek ki homan hoile etu manu hoi tumi pora bisara manu to. Etu nisen songsor te bisi girja khan ase. Kun pora keneka kun to shuddh (right) aru prokrit (genuine) to keneka janibo? Ek jon pora keneka Khrista laga girja kunto ase kowa janibo? Apni pora sob chin khan jama koribo aru dusra girja khan logote tulna (compare) koribo lage. Chin khan sob eke hoi kene milabo parise etu hoi shuddh girja to. Hoilebhi, jani-bole chin khan to ki? Taikhan ke kote pabo? Bible to etu laga uttor ase.

1. Khrista pora girja protisthan korise.

“Moi etu bhi tumike koi ase seito tumi Peter ase, aru etu pathor uporte Moi pora Moi laga girja bonabo. Aru Hades laga hokti pora etu girja ke eku koribo na paribo.”(Matthew 16:18).

2. Etu pora etu laga shuru to Jerusalem te ase. Etu (Luke 24:45-49; aru Acts 2:5) te dekhise.

3. Shuru howa tarik to 33 A.D. ase. Etu Acts 2 hishap te koi ase,-girja to Pentecost din te protisthan kora nisen.

4. Girja to Khrista laga naam penti. Bisi mondali thaka laga kotha kowa karan, Paul pora likhise, *“Khrista laga sob girja khan pora apnikhan ke salam janai ase.”* (Romans 16:16) Arubhi ake barikene koise Corinth te thaka girja ke,” Etiya apnikhan sob Khrista laga gaw ase, aru ekjon-ekjon Tai laga bhag khan ase.” (1 Corinthians 12:27). Hoilebhi gaw to ki ase? Girja to hoi (Ephesians 1:22,23).

5. Etu laga bhag-khanke, khristan khan koi, *“Aru jitia taike paise, taike*

Antioch te loi anise. Aru eneka hoise, pura saal taikhan eke logote thakise aru girja te manu khan ke sikhai thakise, aru titia Antioch te poila bar chela khan ke Khristan khan koi kene matise” (Acts 11:26). Etu piche te Agrippa pora Paul ke koise, “Titia Agrippa Paul ke koise, “Olop homoi te, tumi aram pora moike Khristan bonai dibole ase?” (Acts 26:28). “Kintu jodi kunba Khristan hoi kene dukh pai, taikhe sorom pabo nadibi; hoile bhi, Isor laga naam loi kene Taike mohima koribo dibi” (1 Peter 4:16). Aru akhari te yat koribi, “Aru Tai nohoile dusra kun bhi poritran dibole naparibo, kelemane sorgo laga nichete kun bhi eneka nai amikhan laga paap pora mukti dibole nimite.” (Acts 4:12).

6. Khrista to ek matro thaka matha to hoi. “*Khrista he gaw te matha ase, girja laga matha ase. Tai he shuru ase aru mora pora prothom jonon huiwa ase, etu nimite Tai he sob jinis te ake jagate ase*” (Colossians 1:18).

7. Ekta matro he. “*Ekjon gaw he ase, aru ekjon Pobitro Atma ase, jineka ap-nikhan ke ekta bhabona kori kene mati sele*” (Ephesians 4:4). Gaw to ki ase? Girja to ase (Colossians 1:18). Etu Korane ekta gaw hoi aru gaw to girja hoile to girja ekta he ase.

8. Girja te keneka homa bo kowa tarika ase. Tarika te biswas (Hebrews 11:6), mon ghurai (Acts 17:30), biswas to shikar kore (Romans 10:9,10), aru Baptisma loi (Mark 16:16). Ek bar ekjon puritran pai tai ke girja te halidise (Acts 2:47). Arubhi Romans 6:3,4; Galatians 3:26,27; aru 1 Corinthians 12:13 pora sikhaise kintu ekjon ke Khrista laga aru tai laga girja pitro te Baptisma loise. Etu hukhum khanto mana manu ke notun ke jonon dise girja pitro te athabaa rajya pitorte (John 3:3-5).

9. Etu girja laga upaasona tu bisi alak ase. Khristan khan to hapta laga prothom din jama hoi thakibo lage (Acts 20:7), gaan gabole (Ephesians 5:19), prathana koribole (Acts 2:42), Parha bole (2 Timothy 2:15), prabhur noish saj koribo (Acts 20:7) aru dibole (1 Corinthians 16:2).

10. Etu girja laga matbad (doctrine) Bible uporte khara ase. Etu pora o lai diya nahobo, aru halidiya nahobo aru botlabo nahobo (Revelation 22:18,19). Girja ekta matro laga matbad to Bible he ase. Aru ekta matro biswas likha kitap. Etu nahoi kene dusra kitap khan aru creed khan ke to naks kora hoise.

11. Girja laga sangathan to Isor laga plan aru itcha nisena hobolage. Khrista matha hobo lage (Ephesians 5:23). Protidine mondali khan nijor bura manu khan aru taikhan ke honghai kora khan thakibo lage (1 Timothy 3; Titus 1). Probhu laga girja kitiya bhi duniya laga matha aru mukhya karjaloy nai aru rastrya aathaba aantohrastrya aru manu khan pora bana sangathan nai.

12. Girja laga michonsamponn (mission) tin ta ase. Etu laga kaam to shuvobarta prochar kora (Mark 16:15,16). Proyojon (need) thaka manu khan

ke motad diya (Galatians 6 ; James 2).aru bhag khan ke mosbut kori diya(Hebrews 3:12-14).

13. Protidin khristan bhal bishasi jibon jibo lage. Amikhan dunyake morom koribo nalage (1 John 2:15; James 4:4),kintu atma laga bhal bukibo lage (Galatians 5:22,23). Bishasi matro he anonda jibon mukut pabo (Revelations 2:10).

Etu khan to girja laga olop chin khan ase. Etu khan nomuna(pattern) Bible pora loise. Tulna (compare) kori bi tumi laga girja logote. Praman nimite, sob se prothom charita lobi. Nijor ke hudi bi, "moilaga girja kun pora protisthan korise?" Etu Khrista pora protisthan korise na aathaba kishuman manu pora bonaise? Arubhi hudi bi,"moilaga girja kote protisthan korise?" Etu laga protisthan kora jagah to Jerusalem aathabi dusra jagah te ase?" Obyahot rakhikine (Continue) hudibi, moilaga girja ketiya bonaise?" Etu A.D. 33 picheta hoile ,Probhulaga girja nahoi. Aru hekhowate, tumi nijor ke hudi bi,"moi laga girja ki naam penti ase?" Etu Khrista laga naam napentile, keneka etu Khrista laga hobo paribo? Arubhi bohut ase hoilebhi etu poribi etu porabhi tumi laga girja Khristalaga ase aathaba manu laga ase kowa jani bola kafi ase. Aru apni dusra girja khan pora tulna koribo pare kintu etu girja Isor laga ase aathaba manu laga ase kowa janibole chin khan loikene. Moi biswas kori se kintu tumi nijor dil sabha ke Khrista laga aru manu laga girja ki alak chin ase kowa bisirile dekhbpabo.

Tumi bhag howa girja hosa Bible laga girja to nahoi kowa dekhi pabo parile etu girja biche bhale rakhibi,hosa to sikhi lobi,manibi, aru girja te halibole koribi Isor laga kotha te powa girja te halibole. Tenika hoi kene puritran to pabole thaka ekta girja te tumi thakibo.

PROSNA KHAN

Morom pora thik pora uttor dibi

1. Harai kene thaka tumar sathi ke keneka bisiri bo?
2. Aji duniya te dhormogusthi girja khan bisi asena nai?
3. Ekjon pora kun to thik ase kowa jani bo?
4. Jini pabole chin khan kot ase?
5. Girja kun pora protisthan korise?
6. Tai laga shuru howa jagah kote pora hoi?
7. Kitiya shuru hoi se?
8. Etu laga naam kobi?
9. Gaw to ki ase?
10. Bhag khan ke kinaam te mattise?

11. Girja laga matha to kun hobo?
12. Girja kiman ase?
13. Girja te homa bole korane ekta niyom ase?
14. Keneka kori kene ekjon Khrista te aru girjate homa bo?
15. Prosansha kora laga oviny (act) khan kobi
16. Girja laga matbad (doctrine) ki ase?
17. Protidine mondali ki thakhibo lage?
18. Girja laga tin kaam thaka to kobi
19. Ekjon khristan pora jibole keneka jivon jibole hoi?
20. Anonda jivon laga mukut kun pora pabo?
21. Manu khan pora bona girja bhi Probhu laga girja hobo paribo na ki?
22. Jerusalem te shuru na howa girja to Probhu laga girja hobo parebo naki?
23. AD 33 bichete shuru kora girja bhi Probhu laga girja hobo parebo naki?
24. Khrista laga naam na penti khan Probhu laga girja bhav khan hobo parebo naki?
25. Apni puritran paise kole kun pora apni ke girja te halidi bo?

PROSNA KHAN

Morom kori kene etu bakyangsh (phrases) khan uttor dibi

1. “Etu girja tu aadhyatmik _____ thakibo lage.”
2. “Manu pora bona naam khan aru upathi khan tu _____.”
3. “_____ laga prathana _____ korane abedon (plead) korise.”
4. “Etiya apnikhan _____.”
5. “Isor pora tai laga manukhan ke _____ ekta dibo.”

Thik howa khan ghura koribi

Hoi / Nahoi

1. Girja tu aadhyatmik hobo nimite aadhyatmik naam thakibo lage?
2. Manu khan pora bona naam khan aru upathi khan bhul ase?
3. Puritran Khrista laga naam te ase?
4. Prabhu aaji amikhan etu ekta naam sob pentiba lagena ki?
5. Kunba manu etu naam napenti kene Prabhu ke mohima dibo pare ne ki?

Thik pora uttor dibi

1. Keneka hoi kene manu pora bona naam khan ahi se?
2. Manu khan pora bona naam khan aru upathi khan bhul ase kowa koran dibi
3. Ki nimite Khrista pora parthana kori se?

4. Bhaihokol (brethren) bhag kora/bibhajan dekhi kene Paul pora ki ko rise?
5. Ki nimite girja pora Khrista laga naam penti bo lage?
6. Romans 16:16 quote kori bi
7. 1 Corinthians 12:27 te Khrista laga gaw ke ki koi?

Girja laga dusra naam khan olop dibi

1. Girja tu Khrista laga girja nahoi le tu kun laga girja hobo?
2. Girja laga sadasya khan ke khi naam mattise?
3. Khristan kowa sastra jakah tin ta thaka tu kobi
4. Prabhu aaji amikhan ke kineka thakhi bole mon ase?
5. Nirdist Khristan jat hobo paribo na nai?
6. Ki koran amikhan Khrista laga naam ujha koribo lage?
7. Khrista lage naam te amikhan ki ko rise?

PAAT 5

GIRJA LAGA NAAM

Girja tu sastriya hobo kole tu, Girja laga naambi sastriya hobo lage. Teneka hoilebhi, manu pora bona girjakhan aru naam khan aru upathi (titles) khan bisi ase. Keneka hoi kene eneke ahise? Kisuman naam khan taikhan laga bonaidiya malik laga naam khan ke bewar dikene bonai, praman hoikene “Lutheren” Kisuman khantu ekta shikha (doctrine) ke upar uthai di praman baptism ke aru prabhu laga kaam khan kora upaay ke. Kisuman khantu ekta din ke mohima diya praman Pentecost din ke aru Sabbath din ke. Arubhi kisuman khan tu sorkar keneka kori ase jineka girja laga dangor umarkhan kaam khan ke manikene thakhe. Etukhan aru jiman kobo para khan saab Khrista pora pabole thakha mohima, prohongsa kora, aru bewar khan saab chinge loikene manu khan pora suru kora girja khan suru koridiya manu khan ke etu naam khan, upathikhan aru biwaran (description) khan didi se.

Manu pora-bona naam khan aru upathikhan galat hoi bisi karon korane. Prothom te, Taikhan pora bhag kori di. Taikhan pora dusra pora alak hobole korane kora niyom Isor pora alak bhag nakora khan kore. Taikhan pora manu khan ke alak kori di. John 17 Jesu pora prathana kora Amikhan saab ekta hobole koi kene kowa prathana ke birodhita (oppose) kore. Duta number te, Sastriya kotha te taikhan ke ninda (condemn) kore. (1 Corinthians 1:10-17) Manu laga naam khan penta tu galat ase kowa to koi dise, kilemane, bhag kori diya khan aru bibhag (sect) bonai. Tin ta number te, Prabhu laga naam tu manukhan laga naam khan pora bodlai dise. Kintu amikhan pora sastra te Khrista laga naam nimite ki koise kowa tu porhibo pai se, “*Puritran pabole dusra ekta*

bhi nai, kilemane, sorgo nechete manukhan majote diya naam amikhan ke mukti dibole para naam ektabhi nai” (Acts 4:12). Char number te, manu pora bona naam khan aru upathi khan galat rasta te manukhan ke loijai, khelimeli kori di, abiswashi lokge galat bujibabole kori di. Taikhan pora biswash koribo na di. Pach ta number te, taikhan pora etu khan penta khan, Khrista pora dusra te gurai kene jaitakha khan ke harai dise. Etu koran taikhan bhul hoise aru paap hoise.

Girja to, Khrista pora banabo bole koise (Matthew 16:18). Tai laga nijor khunpora kinise koise (Acts 20:28), Tai girja laga puritran kora hoi (Ephesians 5:23), aru etu laga matha(head) hoi (Colossians 1:18). Nisargaja (natural) te bonai diya, suru kori diya manu, puritran kora manu aru matha ke bewar diya dikhai kene tai laga naam penti. Etu korane Paul Rome te thakha girja ke likha homai te eneka likhikene koise, “*Khrista laga girja khan pora abhibatan (greet) korise koise*” (Romans 16:16). Pichete Corinth girja te likha te eneka koise, “*Etiya apnikhan sob Khrista laga gaw ase, aru ekjon ekjon tai laga bhag khan ase*” (1 Corinthians 12:27). Koilebhi gaw tu girja howa nimite (Ephesians 1:22,23), tai tu Khrista laga girja kotha he koi ase. Aru etu girja Isor laga girja bhi koi (1 Corinthians 1:2; Acts 20:28), Isor laga rajya bhi koi (1 Corinthians 6:9), Khrista laga rajya bhi koi (Ephesians 5:5), tai laga morom chokra laga rajya bhi koi (Colossians 1:13), moikhan laga prabhu laga rajya bhi koi (2 Peter 1:11), etu girja bhi koi (Acts 13:1), Jivit isor laga girja bhi koi (1 Timothy 3:15), Prathom janom diya laga girja bhi koi (Hebrews 12:23), eneka eneka.

Etu korane girja ketiya bhi kot tebhi dusra naam, bornonatmok (descriptive) kotha khan pora bhi namatti. Eneka ek ki homaite, etu bhi yaad koribo kintu isorlaga tu Khrista laga bhi hoi, Khrista laga tu Isor laga bhi hoi. Jiman upar te dikene thakha naam khan sob Khrista pora stabon kora girja ke mattiya naam khan hoi. Khrista laga girja nahoi le kun laga girja hobo? Arubhi, etu naam khan etu laga bornonatmok kotha khan pora dekhaise manukhan sastra kotha pora bahar te ulai kene probhu laga girja nijor naam ekta dibole bisi mon korise kowa dekhai. Hoilebhi moikhan tu Bible logote thakibo aru girja ke Bible pora keneka matti teneka moikhan bhi matti bo. Teneka hoi le he amikhan thik hobo.

Etu girja laga sadasya(member) khan laga naam khan ke sastra kotha pora sabha ke likhi di kene ase. Shuru koribo nimite, Isaiah pora koi se Isor pora diya laga manu khan notun naam ekta dibo (Isaiah 62:2). Etu naam tu bisi sal pichete te penti se. (Acts 9:15), Hoilebhi etu naam tu Gentile manukhan Isor namanna tak tu diya nai. Etu kotha Syria laga Antioch te chela khan ke/ Jesu piche kora khan ke khristan khan koi kene prathom matti kene etu kotha khan tu ponchise (Acts 11:26). Biche te Paul pora raja Agrippa ke

susamachar prachar kora te porhibo pai se, tai pora eneka uttor dise, “*Titia Agrippa Paul ke koise, olop homai te tumi aram pora moike khristan bonai dibole ase*” (Acts 26:28). Sob akhari te, Peter kowa amikhan porhise, “*Kintu Jodi kunba khristan hoi kene dukh pai, taikhe sorom pabo nadibi; hoile bhi Isor laga naam loi kene Taike mohima koribo dibi*” (1 Peter 4:16).

Etu korane Khrista laga biche kora/ chela khan ke Notun Niyom homai te khristan khan koi aru matro khristan hoi. Probhu pora aaji bhi amikhan keneke hobole mon kori ase. Khristan kowa naam upar te amikhan dusra naam khan aru upathikhan ank (tacked) korise kole amikhan hosa khristan nahoi kowa dekhai se. Khristan kowa naam pora songsar pora alak ase kowa dekhai se aru etu he Probhu pora lage.

Etu girja naam aru tailaga sadasya khan duta te, Khrista kowa naam mohan kori dise. Ki korane? Kilemane etu poriyal naam ase (Ephesians 3:14-15), dusra naam sob laga upor te thakha naam ase (Philippians 2:9-11), aru puritran pabole para naam tu hoi (Acts 4:12). Etu korane, amikhan khrista naam ke biswas koribo lage (1 John 5:13), etu naam shikar(confess) kore (2 Timothy 2:19), mon ghura kene baptisma lobo etu naam te (Acts 2:38), etu naam te jama kori kene prohonga kore (Matthew 19:20), sob kam tai laga naam te kore (Colossian 3:17), tenika hoi kene tai laga naam te anonda jivan pabo paribo (John 20:30,31).

Etu khan mon te rakhi kene, naam eku nai bole kunu bhi koba napare. Manu pora bona naam khan aru upathi khan te hosa ke puritran nai, etu khan penta khan harai jabo etu khan korane. Dusra artha te kobo kole Khrista laga naam te puritran ase.

PROSNA KHAN

Morom kori kene etu bakyangsh (phrases) khan uttor dibi

1. “Etu girja tu aadhyatmik _____ thakibo lage.”
2. “Manu pora bona naam khan aru upathi khan tu _____.”
3. “_____ laga prathana _____ korane abedon (plead) korise.”
4. “Etiya apnikhan _____.”
5. “Isor pora tai laga manukhan ke _____ ekta dibo.”

Thik howa khan ghura koribi

Hoi / Nahoi

1. Girja tu aadhyatmik hobo nimite aadhyatmik naam thakibo lage?
2. Manu khan pora bona naam khan aru upathi khan bhul ase?

3. Puritran Khrista laga naam te ase?
4. Prabhu aaji amikhan etu ekta naam sob pentiba lagena ki?
5. Kunba manu etu naam napenti kene Prabhu ke mohima dibo pare ne ki?

Thik pora uttor dibi

1. Keneka hoi kene manu pora bona naam khan ahi se?
2. Manu khan pora bona naam khan aru upathi khan bhul ase kowa koran dibi?
3. Ki nimite Khrista pora parthana kori se?
4. Bhaihokol (brethren) bhag kora/bibhajon dekhi kene Paul pora ki ko rise?
5. Ki nimite girja pora Khrista laga naam penti bo lage?
6. Romans 16:16 quote kori bi.
7. 1 Corinthians 12:27 te Khrista laga gaw ke ki koi?
8. Girja laga dusra naam khan olop dibi
9. Girja tu Khrista laga girja nahoi le tu kun laga girja hobo?
10. Girja laga sadasya khan ke khi naam mattise?
11. Khristan kowa sastra jakah tin ta thaka tu kobi.
12. Prabhu aaji amikhan ke kineka thakhi bole mon ase?
13. Nirdist Khristan jat hobo paribo na nai?
14. Ki koran amikhan Khrista laga naam ujha koribo lage?
15. Khrista lage naam te amikhan ki ko rise?

PAAT 6

GIRJA LAGA SANGATHAN

Girja tu Khrista pora sthapon korise (Matthew 16:18). Etu girja tu jagot pora matti loi kene thakha manu khan pora banai se (Colossians 1:13,14). Etu honchoy (saved) powa khan para bonai se (Acts 2:47). Etu tai laga aadhyatmik laga gaw ase (Colossians 1:18), aru etu ekta matro he hoi (Ephesians 4:4).

Etu girja sarbojoneen (universal) prokriti (nature) laga hoile etu shasha aru hajar hajar byakttigot pora bonai se aru protikto (each) mondali tu byaktigot sadasya khan pora bonai se. Etu mane girja laga chorkar tu sthanya(local) hoi aru ratriya(national) athabaa aantorjatic(international) na hoi. Arthat, Prabhu laga girja tu parthiwa matha athabaa mukhya karjaloy (head quarter) na tha khe.

Sastra pora sikhai se seitu Khrista tu girja laga matha hoi. Niche te di kene thakha pod khan tu anuvow (observe) kori bo. *“Isor sob jinis to tai laga theng nichete rakhise aru sob hokti to taike dise aru sob girja uporte cholawta hobole dise, girja to Khrista laga gaw ase aru tai pora he bhorta kore, Tai sob saman ke pura kore aru thik*

kore.” (Ephesians 1:22,23). “*Kilemane, mota tu maiki laga matha hoi jeneke Khrista bhi girja laga matha ase; aru tai gaw laga puritran korta hoi*” (Ephesians 5:23). “*Aru tai gaw, etu girja laga matha ase, Tai tu aarombhoni (beginning), mrityu (dead) pora prothom jonom diya hoi, etu nimite tai sob bostu te tai prodhonya hobo*” (Colossians 1:18). Etiya etu pod khan pora ki sikhai se? Akete sikhai diya nisene, Khrista to gaw laga matha hoi, etu girja to hoi. Matha kiman ase? Matro ekta he, etu matha jaga to kunu tebhi bag batora (share) nakore.

Girja bhi sthanya (local) mondali khan pora banai se korane, kintu Khrista to girja laga matha howa Koran, tenike hoile sthanya modali aru sthanya girja laga matha to Tai ase, aru girja laga protikto sadasya laga matha ase. Etu mon te rakhi kene, Paul pora koi se, “*Kintu Etiya moi apnikhan ke bujhai dibole mon thaka to Khrista to mota manu khan laga matha ase, aru mota khan to maiki khan laga matha ase, aru Isor to Khrista laga matha ase*” (1 Corinthians 11:3).

Pichete, protikto (each) sthanya mondali to nijor sangathan thakibo lage. Khrista etu laga matha hobo lage, Bhag khan majo pora bura khan and bura khan te modat diya khan nijukti dia (appoint) hobo lage girja laga soril phale aru atma phale sai dibole korane. Bura khan bhag khan laga atma khan saidibo nimite (Hebrews 13:17); aru bura khan modat kora khan to soril laga darka kam khan saidibole karne hoi (Acts 6). Janibi kintu, protikto girja te bura khan aru bura khan ke motot diya khan ekta pora bisi thakibo lege ekta bura aru ekta bura ke motot diya thakibo nimite. Arubhi jani lobi kintu ekta girja laga bura khan aru taikhan ke motot diya khan ekta mondali pora dusra mondali te authikor najala, aru mondali khan pora bona sangathan tebhi. Mondali khan ekta hoi kene thakibo lage hoile bhi ek girja uporte byaayam niontron (exercise control) thakibo nalage.

Burakhan, pastorkhan, bishop khan, vadarkhiya khan (shepherds), presbyter khan kowa kotha khan sob ekta office ke koiasse. Mane, bura ekjo kole ekta pastor kowa katha hoi. enika enika.

Titus 1:5-9 te Paul pora uporte kowa manu khan laga ki arhota (qualification) thakibo lage kowa likhi kena ase. “*Moi etu karone tumike Crete majuli te chari jaise, ki kaam thik nohoi kene thakise eitu khan thik kori bole, aru moi tumike kowa nisena, sheher te girja laga rokhiya kori bole bura khan ke basi lobi. Aru bura khan to golti nathaka hobo lage, aru ekjon maiki laga mota hobo lage, aru tai laga bacha khan bhi adat biya aru kotha namana eneka nohobo lage. Kelemanekjon girja laga cholawta to Isor laga ghor sa karone eku napuncha nathakibo lage. Aru tai ekjon nijor khushi te jai thaka, aru joldi khong kora, aru misa kotha, aru jhagara kora, aru lalchi nohobo lage. Kintu tai alohi manu ke tai laga ghor te rakhibo para hobo lage, dhoro kora, sidha mon thaka, pobitro thaka, nijorke rukhabole para hobo lage. Tai hosa biswas kotha ke thik dhori thaka, aru*

manu ke Isor laga kotha to bhal pora bujhai dibo para, kotha namana khan ke thik rasta dikha bo para hobo lage.” Etu arhotakhan 1 Timothy 3:1-7 tebhi likhi kene ase. Eneke hoi kene, sob girja burakhan hobo para nahoi. Jijuna arhotakhan to ase etukhan ke he nijukta koribo. Etu uporte bhi etu burakhan to ek girja te ekta pora bishi hobolage. Mondali khan te burakhan hobo para na kole to girja laga mota khan pora girja to chali thakibo aru burakhan hobole korane arhota thakha khan nijukta koribo.

Burakhan logote sewa koribo nimite deacon khan bhi nijukta koribo. Taikhan ke chakor khan bole jane, aru taikhan etu sthaniya girja burakhan laga kotha koidiya nisena kaam kore. Paul pora chakorkhan hobo korane arhota khan bhi likhikene ase “*Thik eneka, porisharok khan bhi, sonman thaka hobo lage, aru duita kotha kora, modhu kha manu, aru alchi kora manu nahobo lage, hoilebi, taikhan to mon sapha pora hosa laga biswasi hobo lage. Taikhan ke bhal pora sabi, aru taikhan thik ase koile taikhan ke etu kaam koribo dibi. Etu nisena mahila khan bhi sonman thaka hobo lage, chukuli nakoribo lage, hisab-te thaka, aru sob te thik mon dibo para hobo lage. Girja laga porisharok khan ekjon maiki laga mota hobo lage, bacha khan ke aru ghor manu khan sobke bhal pora cholabole janibo lage. Kilekoile jun kaam thik pora korise, tai nijor nimite ekjon bhal sonman thaka naam hobo aru biswas te bisi mon dangor hobo juntu Jisu Khrista te ase.”* (1 Timothy 3:8-13).

Etiya etu aadhyatmik girja sangathan hoi. Khrista to matha ase, aru mondali te nijor barukhan aru taikhan logate kaam kora chakor thakhibo lage. Taikhan laga nichete prachar kora khan, sikhak khan aru sadasya khan (members) thakhibo. Probhu laga rasta te, ekta mondali bhul rasta te jaise koilebhi, dusra khan bhalke biswas te thakhibo. Sob mondali bhul rasta loi jaise kolebhi ekjon matro he hoilebhi nijor biswas te khara kori thakibo pare. Probhu bhabona laga sangathan bitorte protito mondali to nijor itcha hisapta dusra ke nirbhor (depend) nakori kene thakhibo lage. Taikhan manu pora bona aiya pora bandi thakhibo napare morom pora he bandibo. Taikhan ek dusra ke sanban thakise, ekki logo kaam kori, Khrista pitorte ekta hoikene thakhibo. Tai laga rasta tu bodli thakhibo naparibo.

Etiya apnikhan Peter aru dusra mota khan girja laga matha hoi thakha dekhi paise naki? Ekta bishop mondalikhan laga uporte raja hoikene thakha aru ek “pastor” (prachar kora manu) mondali laga matha hoikene thakha sastra te poribo napabo Kottebhi. Kottebhi dhormoguru, (clergy) aru mamuli bhag khan bole likhi kene thakha porhibo napai. Duniya laga dhormikkata jata manukhan to Isor laga girja sangathan pora olai kene jaise etu korane duniya bishi bhag bhag korikene thakhi ase. Etu korane amikhan sob nirdhoron kori kene sastra hisapte girja hobo nimite aru sangathan hobo nimite

Bible te guri ahibo lage.

PROSNA KHAN

1. Girja kun pora sthapon korise?
2. Girja ki saman pora bonaise?
3. Khrista laga gaw to sharirik (physical) na aadhyatmik?
4. Girja kiman ase?
5. Girja to _____ prokriti (nature) te _____.
6. Girja to byaktikendrik (individual), sho sho aru hazar hazar pora bonaise.
7. Girja laga sorkar to sthaniya (local), ratriya (national) athabaa antorjatic (international) hoi na ki?
8. Probhu laga girja duniya te matha athabaa mukhiya karjaloi (headquarter) ase ne ki?
9. Girja laga matha to kun ase?
10. Sthaniya girja laga neta (leader) khan ke ki mattise?
11. Burakhan aru burakhan logote kaam kora khan ke ki bole mattise?
12. Ek mondali te burakhan aru taikhan ke shewa kora khan kiman jun hobo lage? _____
13. Burakhan ke mattibo pora naam khan kiki ase?
14. Burakhan hobo darkar thakha arhota khan ki ase?
15. Burakhan logote shewa kori manu khan lage arhotakhan (qualifications) ki ase?
16. Ek mondali pora burakhan hobo korane para sadasya nathakile burakhan rakhibolage na ke?
17. Eneka hoi le kun pora girja cholabo?
18. Mondali khan keneka ek dusra logote bandi kena ase?
19. Girja korane Isor laga girja laga nomuna sal salte bodly thakibo naki?
20. Peter girja laga matha hobo pore naki, sastra kothakhan nisena?
21. Bishop kowa manu ekjun pora bishop hobo para aru dusra girja aru mondali khan uporta thakha style Bible te paina nai?
22. Ekta girja uporte ek pastor pora malik hoi kene thakha Bible porhibo naki?
23. Bible te amikhan pora dhormoguru aru mamuli manu bole porhibo paise ne ki Bible te?
24. Duniya te girja khan iman bhag bhag kora thakhi ase?
25. Girja laga sangathan korane ki nomuna hobo laga koisa?

PAAT 7

GIRJA TE HUMA

Ami khan pora jiman majote girja laga prodhan khan alop bhujise. Sastrakhan pora sikhaise seito Khrista pora girja korane morise (Ephesians 5:25). Girja ke nijor khun pora kini loise (Acts 20:28), Etu laga tran korta tu tai ase (Ephesians 5:23), etu kowa khan to sastra kotha te bhal ke likhi kene ase. Etu prosna khan huthibo: mamuli kotha mamuli kaam korane Khrista moribona ki? Eku faita nathakha girja korane nijor khun giribo na ki? Girja laga baharte poritran ase kole to ki korane tai Girja laga tran korta hoi kene Tai thakhibo naki? Apnike eneka prosna korile apni bhi nahoi kobo aru etu thik uttor ase. Teneka hoile ki korane girja prodhan nahoi koise aru girja laga sadasya nahole bhi poritran ase koiase? Etu korane etu kotha kowa khan to girja kowa to koi ase kowa galati kori kene thakha khan ase aru taikhan ke galati rasta te loi jaise.

Bible pora girja to poritran ase koikine sikha nai hoile bhi Bible pora poritran pabole mon kora manukhan girja pitore te thakhibo lage koi kene sikhaise. Jahaz to poritran nahoi, hoi lebhi ban pani pora bochabo korane Noah aru tai laga puriyal to Jahaz pitorte thakhibole jaruri ase, girja bhi teneka ase. Arubhi poritran powa khan ke girja te probhu pora dhallidise. Pentecost dinte susamchar (gospel) huni kene kotha mana homaite probhu pora taikhan ke girja te dhallidise, etu din pora loi kene jiman manu poritran paiase taikhan ke probhu pora girja te dhallidi thakhi ase. “*Aru hodai Isor ke dhanyavad kori kene, aru sob logot pora morom paikene thakise. Aru hodai jiman Probhu logot biswas kori loi kene, taikhan majote ginti hoi thakise.*” (Acts 2:47). Eneka poritran powa khan to probhu laga girja laga sadasya khan hoijaise. Kunuba pora probhu laga girja laga sadasya nahoi moi koleto tai poritran powa manu nahoi kowa asan pora jane. Aru dusra kotha te kobo koleto, girja laga bahar te poritran nai. Dhormogusthi (denomination) girja laga sadasya aru manu pora bonowa girja sangathan, laga sadasya nahoilebhi poritran pai koiyase kintu Khrista laga girja sadasya nahoile poritran pabole nahoi.

Probhu pora dhalli diya nahoi le, amikhan eneka ekki logote sikhise koi kene ene muni muni girja huma bo para nahoi. Probhu pora poritran kora khan ke girja te dhalli dise teneka girja to poritran powa khan pora bona lowa gaw ase, Isorlaga puriyal ase.

Ekjun dil sabha ke kotha loi ase ne nai kowa janibo korane Isor pora dilte sai. Dil sabha ke kotha to lowa khan ke girja te dhallidiya hoi. Dil sabha ke lowa nahoi probhu pora tai laga girja te na dhalle. Karjo(action)kora te aru kikoribo lage kowa khan korise koi kene manu pora to dil antor te ki

ase keneke ase kowa najane etu korane girja te ekta sadasya hoi kene dhalli dilebhi Isor pora to tai ke lowa nai. Amikhan muni muni girja te huma bo parise koile to dil antor saithakha laga faita nai. Girja te dhalli diya kowa to manu laga kaam nahoi, Isor laga kaam ase kilemane dil sabha ke loi ase na nahoi kowa Isor he jane.

Khrista to etu girja laga tran korta howa korne etu girja poritran powa khan ke dhalli ase. Girja te dhallibo nimite probhu pora amikhan ki koribo lage koise kowa tai laga itcha amikhan ekkilogote sabo. Kintu tai laga itcha to Bible te bhal ke likhi kene ase, bisi to Acts Bible te abiswashi khan kene ka biswashi Isor laga khandan hoise kowa bisi likhi kene ase. Probhu pora ki kora manu khan girja te dhallidise kowa jane bole amikhan kadam khan ekta ekta hoi kene sabo.

1. **Sahi kotha hunibo lage:** *"Etu karone huna pora he biswas ahe, aru Khrista laga kotha prochar kora pora hunibo pai"* (Romans 10:17).

2. **Isor ke aru Khrista ke bisawas koribo lage:** *"Tumi laga mon chinta nohobi. Tumi Isor ke biswas koribi, aru Moike bhi biswas koribi"* (John 14:1).

3. **Paap pora anutap (Ghurai) koribo lage:** *"Nohoi, Moi tumikhan ke hosa kobo. Jodi tumikhan mon naghurai, tumikhan bhi eneka he khotom hoi jabo"* (Luke 13:3).

4. **Khrista to Isor laga chokra ase koi kene biswas koribo lage:** *"Etu karone jun manu sob manu khan laga ake te Moi laga naam shikar koribo, Ami bhi tai laga naam sorgote thaka Ami laga Baba ake te shikar kori dibo"* (Matthew 10:32).

5. **Paap dhupo korane baptisma lobo lage:** Baptisma lowa to Khrista ke kabar te dubai kene aru jinta uthiya laga nisena paappi manu ke paap te mora aru pani lage kabar te dubai kene jinta uthiya nisena notun manu hoi kene uthise (Romans 6:3,4; Acts 8:26-39). *"Jun manu biswas kore aru baptizma lobo, taikhan bachibo kintu jun biswas nokorile taikhe nosto kori dibo"* (Mark 16:16). Titia Peter taikhan ke jowab dise, *"Mon ghura bhi, moi koi ase, aru baptizma koribi, sob manu, Jisu Khrista naam pora, nijor laga paap nimite, titia tumikhan Pobitro Atma laga inam pabo."* (Acts 2:38). Etu paat shuru te apni khan ki sikhise? Jun junto poritran paise taikhan ke probhu pora girjadhalli dise kowa sikhai se. Mane, Isor laga kotha huni kine aru manikine baptisma loise taikhan probhu pora tai laga girja te dhalli dise. Ami khan Janise kintu Isor kotha huni pabo, kotha to biswas koribo, paap pora mon ghuribo, Khrista Isor laga chokra ase kowa muk pora shikar koribo, aru paap dhupo krane baptisma lobo etu khan korise korne poritran paise. Enika uporte kowa khan kora khan Probhu pora girja te dhallidi.

Girja huma bole rasta dusra ekta thakha nisena lagi ase. Etu Isor pora

eneka kowa ase. kunba manu pora pani pora aru aatma pora notun ke jonon nadile sorgo rajya te human bo naporibo koi kene (John 3:3-5). Kintu Rajya to ki ase? Rajya to Girja ase (Matthew 16:18,19). Tineka hoile to girja te duta rasta pora humabo parebona ki? Kitiya bhi nahoi. Kunba manu pora biswas kori kene baptisma lowate hosa kotha nimite aatma aru pani pora Isor laga Rajya te mane girja te jonon korise.

Arubhi Paul pora kowa kotha ase, amikhan sob ke ekta aatma pora ekta gaw te baptisma dise (1 Corinthians 12:13). Ekta gaw to ki ase? Etu girja ase (Colossians 1:18). Kiman gaw? Ekta he ase. (Ephesians 4:4; 1:22,23).

Utaite keneka huma bo? Baptisma dwara. Khrista pora koise biswas kori kene baptisma lowa manu ke bachibo (Mark 16:16). Khrista pora kowa kotha to Corinth bacha khan pora korise aru bachese (Acts 18:8). Etu korane, manu ek jun pora girja te baptisma lowa homai te tai girja laga ekta bag hoi kene tai ke girjate dhallidise.

Ami khan pora Janise tineka bachabole ekta rasta he ase aru poritran powa manu ke probhu pora girja te dhallise. Apni Bible te powa girja laga sadasya ekta hoi ne ki? Nahoi kole apni poritran powa nai. Huthibi, uthibi aru phavbibi, probhu pora ki koise etu hunibi, eneka hoi probhu nijor pora apni ke tai laga girja dhallidibo.

PROSNA KHAN

Thik pora uttar dibi

1. Jiman amikhan sikhise etute girja bisoi te apni ki bujise?
2. Girja korane kun moridise?
3. Girja ke ki pora kinise?
4. Girja laga tran korta to kun ase?
5. Girja to ekta main kotha ase kowa to kenika Janise?
6. Ki korane kun ba manu khan girja ke mamuli kotha nisena phabise?
7. Girja pora bochaisena ki?
8. Poritran powa manu to girja laga sadasya ekta hobo lage naki?
9. Pani bochabo korane Noah aru tai laga puriyal kot te thakha jaruri ase?
10. Jahaz bahar te bocha bole upai ase na nai?
11. Poritran powa khan ke kun pora girja te dhallidi ase?
12. Kowa kotha to Bible kot jagah te likhi kene ase?
13. Poritran powa manu ki girja laga sadasya hobo?
14. Probhu laga girja te ekjun pora muni muni humabo parenaki?
15. Probhu laga girja te humabo korane panch ta kadam khan to

kiki ase?

16. Panchta kadam dekhai diya to namane kene poritran pabo parenaki?

17. Baptisma lowa to ki ase?

18. Baptisma lowa laga dangor karan to ki ase?

19. Rajya to ki ase?

20. Rajya te huma bo korane ekta thakha rasta to keneka ase?

21. Gaw to ki ase?

22. Kiman gaw ase?

23. Ekjun manu pora utaite keneka humabo?

24. Bochabo le kiman rasta ase?

25. Girja huma bole kiman rasta ase?

PAAT 8

GIRJA LAGA UPAASONA

Girja poritran powa manukhan pora bonaise. Aru etu Isor ke Khrista dwara uporsana aru shewa kori bo nimite ase. Paul pora koise, “*Apuni khan ki kore, kotha aru kaam pora, Probhu Jisu laga naam te he koribi. Tai nimite Baba Isor ke dhanyavad dibi*” (Colossians 3:17).

Notun Niyom te uporsana tinta jat ase. Protham, agyan upaasona. Athen pitor te Mar`s Hill kowa jagah te Paul thakha homai te, tai dekhise bisi murti khan tai laga osor te thakha, aru koi se, “*Jitia moi tumikhan laga puja kori thaka saman khan saikene paar kori thakise, tumikhan pathor pora bona bedi te eneka likhi kene rakha dikhise, “NAJANA ISOR KE.”* Etu karone junke apnikhan najani kene puja kori thaki ase, etu laga kotha tumikhan ke moi kobo”(Acts 17:23). Taikhan laga agyan uporsana nisena, aji bhi eneka korikene thakha bisi ase. Manu khan lakh lakh murti uporsana kora matro nahoi kene lakh lakh pora bisi manu khan bhi sastra kotha najana korane kisim kisim dhormikata niyom kori ase.

Duta te, Probhu laga kotha pora bekar ke upaasona kora manukhan nimite kowa kotha ase. Khrista pora koise, “*Taikhan Moike aradhana kora to mi-sa-misi ase, kile mane manu pora bona niyom khan taikhan nijor laga niyom nisena sikhai thake*” (Matthew 15:9). Eneka upaasona kora manu khan bisi ase aji bhi. Taikhan probhu ke upaasona kore, thik ase, taikhan laga upaasona misa misi ase bekar ase kilemane, Isor laga itcha nahoi kene manu pora bona niyom aru manu pora bona siksha shikhai ase.

Tinta te, Isor kotha pora hosa upaasona kora koi kene ase, etuto aatma pora aru hosa pora kora ase. Khrista laga kotha khan amikhan pori se, “*Isor to Atma ase, aru kun Taike aradhana koribo atma aru hosa ke aradhana koribo lage.*” (John

4:24). Isor lobole thaka aradhana/ upaasona to etu khan hoi. Hosake eneka uporsana khan Khrista laga somai te bhi ase, aru hosake etu aji bhi ase. Isor ke ponjai diya aradhana to eneka aradhana hoi. Atma te (namruta howa aru buji kene aradhana kora) aru hosa te, (jineka likhi kene ase jineka). Isor tai ke upaasona kori bole jopor jasti nakore, kintu jitu upaasona koribo mon ase nijor itcha mote koribo lage.

1. **Taikhan adhyayn (study) kori bole jama hoi.** Timothy huru homai pora sastra kotha khan taikhe sikhaise (1 Timothy 3:15) Paul pora tai ke deka chokra prachar kora manu hoi kene koi dise eneka *“Isor pora tumike bhal ase kobo nimite, aru kaam kori bole sorom nathaka ekjon hobole para tak kosis koribi, aru hosa kotha loi kene hikai dibi.”* (2 Timothy 2:15). Etu upaasona koribole jama hoi thakha khristan khan sob ke kowa kotha hoi. Etu somai te ase Isor pora tai laga bacha khanke tai laga kotha pora kotha koidiya to. Acts 20:7 te Paul pora tai laga bhai bhoine khan ke prachar kora to Isor kotha adhyayn kori kene.

2. **Taikhan prathana korise.** Pentecost din te manu khan pora probhu kotha maniya biche te, amikhan porise, *“Aru taikhan apostle khan pora ki sikhai dise etu kotha khan koi jai thakise aru ekjon-ekjon logote girja kori thakise, aru roti bhangai kene prathana te thakise.”* (Acts 2:42). Probhu laga manu khan pora prathana pora sor-go te thakha Pitri Papa Isor kotha patiya to. Ki phabibo khristan khan ek dusra logate upaasona korane jama hoi kene prathana nakori le?

3. Taikhan prosongsa kori kene gan gai. Paul pora tailaga bhai bhoini khanke likhise, *“ekjon-ekjon logote bhajan aru gana khan, aru pobitro gana khan, Probhu ke apuni laga mon bitor pora gana kora khan aru sundur pora bajana koribi”* (Ephesians 5:19). Aru bhi Colossians 3:16 aru Hebrews 13:15 pori bi. Music duta jat ase. Ekta to mukte ola awaz dusra to manu pora bonawa bostu khan loi kene baja a. Isor pora ki music lage? Tai pora mukte ola muk laga awaz laga gan bhal pai. Paul pora koise amikhan bitor pora lowa awaz pora Isor ke posongsa koribo. Etu pora manu pora bonawa bostu khan loikene Bajai kene Isor ke prosongsa kora batdise. Ake laga prothom Khristan khan pora Isor ke dha-nyavad di kene gan gai Isor ke. Bisi sal biche te manu khan manu pora bonowa bostu khan halise prosongsa korate: hoilebhi etu Isor kowa nahoi aru tai lowa bhi nalobo, Manu pora bonowa bostu khan bajai kene Isor ke posongsa kori bo napare. Manu pora bonowa bostu jantrik sangit khan loikene bajai kene Probhu ke uporsana kori bo napare aru manu pora banowa bostu jantrik sangit loi kene prathana kori bo napare .

4. **Tai khan probhu ratir ahar (Lord's Supper) koribo nimite jama kori.** Etu kora proman amikhan pora Acts 20:7 te paise. Matthew 26:26-28 aru 1 Corinthians 11 te amikhan ke pitha phangi kene Khrista laga

gaw mon koribo nimate khabo lage aru angur pan patra rash laga katori pora khai kene Khrista laga khun ke mon kori bo nimate khabo lage. Aru etu aji tak kori thakhibo lage.

5. Taikhan dise tai khan laga paisa. Paul pora Galatia aru Corinth bhai bhoini khan ke hukhum dise, “*Hodai hafta laga prothom dinte, apuni khan alag joma kori lobi, apuni khan laga kamai pora joma kori kene rakhibi, kelemane jitia moi ahibo, apuni khan titia joma kori nathakibo*” (1 Corinthians 16:2). Aru bhi 2 Corinthians 9:7 bhi porhibi.

Etu ake laga khristan khan protik hafta laga prothom din joma kori thakhe (Acts 20:7; 1 Corinthians 16:2). Isor ke prosongsa kori bo nimate. Taikhan ke sakiyai dise (warned) “*Amikhan ekjon-ekjon ke lok kori thaki bole nimate bondh nakorile, kelemane kunba khan eneka kore. Hoile bhi, keneka din hekh hoi ase, amikhan ekjon-ekjon ke mon dangor koridi thakibo*” (Hebrews 10:25). Khristan khan aji bhi taikhan keneka kori thakhise jineka amikhan bhi kori thakibo ek ki kaam aru ekki din te aru etu korane amikhan ekki upodekh (Admonition) pabo. Girja laga uporsana to ek dam sadharon (simple) hoi etu korane bisi manu khan ujuti khab (stumble) korise. Manu khan bhabise mane prosongsa dikhol somai hobo lage, aru manu pora bonowa niyom khan bisi koribo lage ekgheyami (monotonous) kaam khan kori bo, aru prathana bhi punorabriti(repeating) to kori thakhe. Eneka eneka. Kintu eneka nahobo. Isor pora tai laga prosongsa keneka kori bo lage kowa tai laga nijor itcha mode te dekhai di kene ase. Etu manu kunubhi uporte dallidibo nalake. Etu sastra kotha uporte dhalli le bhi, aru ulaidiya bhi kori kene obihap napowa nai. Isor pora koise aru tai laga manu khan kotha manibo lage. Eneka kori kene Isor matro hodaidin ke prosongsa, aradhana aru sanmanit(honored) koribo parebo.

PROSNA KHAN

Morom pora hosa ke utor dibi.

1. Ki pora girja to bonai loi se?
2. Girja laga uddeshya (purpose) ki ase?
3. Probhu laga naam te ki koribo lage?
4. Notun kanun te kiman upaasona ase?
5. Paul pora murti bisi thakha dikhi se to kot ase etu?
6. Paul pora taikhan lage upaasona ki ase koi se?
7. Teneka upaasona kori kene thakha manukhan ajibhi ase na nai?
8. Taikhan misa misi te upaasona kori thakhi ase kowa to kun pora koi ase?
9. Taikhan laga upaasona to ki korane misa misi bekar hoise?
10. Sastra sandorbh (reference) dibi.

11. Ajibhi Probhu ke misa misi bekar ke upaasona kora manukhan ase na nai?
12. Hosa upaasona to ki?
13. John 4:24 uddhriti (quote) kori bi.
14. Isor ke atma te upaasona kori bi kowa to ki artha ase?
15. Isor ke hosa ke upaasona kori bi kowa to ki artha ase?
16. Keneka kora upaasona ke Isor bisiri aji tai laga manukhan pora?
17. Probhu laga manukhan ki rasta ki nisena upaasona kori bo kowa to kote amikhan poribo paise?
18. Upaasona kori samogree (items) panch ta thakha to kobi.
19. Isor pora manu ke keneka kotha pati ase aji?
20. Isor laga bachakhan pora Isor ke keneka kotha pati ase aji?
21. Duta prokaror (kinds) sangit (music) ki ase?
22. Isor pora bhal powa sangit ki ase?
23. Probhu ratir ahār (Lord's supper) ki ase?
24. Hapta laga ki din te Khristan khan joma hobo lage?
25. Isor laga upaasona bhabona uporte dhalibo aru ollai dibo parena ki?

PAAT 9

GIRJA LAGA KAAM

Ki korane girja thaki ase? Etu laga uddeshya(purpose) ki ase?

Itu laga kaam ki? Uttor pabo korane, ami khan Isor laga kotha te jabo. Sob se akete, amikhan sabo girja to dhormonirpekkh (secular) korbar (business) nahoi, operating ba choli thaka dhormonirpekkh bidyaloy(school) bi-mar chikitsaaloy (Hospital) khan nahoi. Paisa kamabo korane gitap bonai kene bikri kora korbar bhi nahoi. Etu kowa khan sob bhal kaam hobo pare, aru khristan manu byaktikendrik(individual) koribo pare kintu etu khan eni girja laga kaam nahoi. Aru aru dharmik dunya pora eneka kaam khan bhabona bisi dijai Isor laga uddeshya tai laga manu khan korane Bible te thakha pora dusra kadam durte jai jai se.

1. **Susamachar prachar kora.** Khrista pora pachoni khan ke sikhaise, tai mrityu pora uthiya pichete aru sorgo jable akete, “*Etu nimite jabi aru sob desh te Moi laga chela bonabi. taikhan ke Baba, Putro aru Pobitro Atma laga naam pora baptizma dibi. Taikhan ke Moi ki hukum dise eitu khan sikhai dibi. Etu janibi, Moi tumikhan logote hodai ase, etu jamana laga hekh din tak*” (Matthew 28:19-20). “*Aru Tai pora taikhan ke koise, “Tumikhan prithibi sob te jai kene sob srusti khan ke etu susamachar jonai dibi. Jun manu biswas kore aru baptizma lobo, taikhan bachibo kintu jun biswas nokorile taikhe nosto kori dibo*” (Mark 16:15,16). Pichete Paul pora jub

upodekh di kene koise, “*Susamachar kotha prochar koribi; hodai taiyar thakibi; dhorjo kori kene manu khan ke bujhai di thakibi, gali dibi aru mon dangor koridi kene sob sikhai thakibi*” (2 Timothy 4:2). Dusra sastra khan bhi ase hoilebhi etukhan pora bhi susamachar prachar kora to Prabhu laga itcha ase kowa dekhai dise.

Pachoni khan laga din te girja ki kori se le? Sadashya khan probhu pora ki koise jineka korise. Taikhan Kotha to prachar kore. Acts kitap te, etu pro-man bisi ase. Sob rupantor (conversion) te susamachar prachar kora manu laga haat Probhu laga itcha loi kene jai. Porhibi Acts 2,8,9,10 aru 16. Kintu kun pora prachar kore aru kun pora sikhaise? Record pora koise mane Jeru-salem tangor nirjaton (persecution) aha bichete, “*Aru jun biswasi alag phale jai jaisele taikhan jowa jaga sob te khushi laga khobor prochar kori thakise*”(Acts 8:4).

Aru bichete, Tai khan ki prachar kori se? Arubhi, Acts rupanton kiman ase etu porha to amikhan laga kaam ase aru apni nijor bujhi babo. Khata ke kobo kole to Khrista laga ishorotto (divinity) sikhai aru ek jun pora puritran pabole ki koribo, girja laga ki gurutwopurn (importance) ase, upaasona te thakha samogree(items) khan ki ase, aru khristan jibon te ki gurutwopurn ase, eneka eneka. Etu khan Paul pora eneka milailoise, “*Kile koile harai ja manu khan nimite Cross laga kotha to eku bhi motlob nai, kintu amikhan junke bochai loise, etu to Isor laga hokti ase*” (1 Corinthians 1:18).

Probhu pora tai laga kotha prachar koribo lage koi kene hukhum diya uporte, biswas to Isor laga kotha huni kene ahise koise (Romans 10:17). Aru Khrista pora koise, “*aru tumikhan hosa ke jani lobo, aru hosa he tumikhan ke ajad kori dibo.*”(John 8:32). “*Arubhi, Kintu taikhan pora biswas nakora ekjon laga naam keneka matibo? Aru kitia bhi nahuna ekjon ke taikhan keneka biswas koribo? Aru kunba pora prochar nakorile taikhan keneka hunibo?*”(Romans 10:14). Etu khan sob koise mane manu to haraise (Romans 3:23;6:23), etu korane Isor laga morom to prachar koribo lage (Romans 5:8), manu to tran korta ase kowa dekhai ase(-John 3:16), etu korane manu Isor kotha mane kene bochabo paribo tai laga paap pora (Romanas 1:16,17;Mark 16:15,16). Isor laga itcha anjan khan aru kotha manibole mon nakora khan harai jabo (2 Thessalonians 1:7-9). Eneka hoi kene Isor laga kotha prochar koribo lage.

2. Dukhiya manu khan ki daan dise. Isor laga kotha te amikhan proman ase, darka thakha kamjor manu ke modot diya girja laga dangor bhabonana ekta ase, taikhan ke modot di mane kipa ekta dibole ase. Acts 2:45 te eneka amikhan porhise, “*Aru taikhan nijor dhun-sampoti aru saman sob bikiri kori kene kun-ke lage taikhan ke bhag kori dise.*” Etu nijor itcha motte ene dise, hoi eneka hoi. Kintu Acts 6 te yunani khan aru yehudi khan majote bitorok korise mane yunani mota morija maiki khan ke hisab nakori din din korane kha luwa diya

te. Etu korane pachoni khan pora chela khan ke matti kene taikhan majo pora sath mota manu chun loi kene girja laga etu kaam koribo korane koise.

Paul pora Jerusalem te thakha dukhiya biswashi khan ke modot dibole jaise kowa kotha amikhan porhibo paise. Tai eneka koi thakise, “*Kelemanee Jerusalem te thaka biswasi khan majot te dukhiya khan nimite modot pathai dibole, Macedonia aru Achaia te thaka khan pora bisi khushi pora itcha thakise*” (Romans 15:26). Etu korane Paul pora Corinth te thaka bhai bhoini khan ke likhise, “*Etiya Isor laga manu khan nimite daan joma korise, ami Galatia jaga laga girjakhan te kowa nisena, apuni khan bhi enekahe koribi. Hodai hafta laga prothom dinte, apuni khan alag joma kori lobi, apuni khan laga kamai pora joma kori kene rakhibi, kelemanee jitia moi ahibo, apuni khan titia joma kori nathakibo*”(1 Corinthians 16:1,2).

Kun ke modot koribo? Swavawikote (naturally), girja te thaka dukhiya khan ke, sob se pohoila. Mane dukhiya, bura umar manu khan, bidhowa khan, jalti joruri thaka khan, khristan anath khan, aru eneka eneka. Amikhan eneka porhise, “*Etu nimite, amikhan kori bole para homoi te, sob manu nimite bhal kaam koribo, arubi bisi koribo taikhan nimite jun khan biswasi hoise*” (Galatians 6:10). Hoilebhi sob manu khan ke modot kori bo le nahoi. 1 Timothy 5 te amikhan buji paise mane etu modot to hodai di thakibo lake, etu korane, etu manu to khandan kunu bhi nathaka, nijor ke modot dibonapara, aru biswash koribo para khristan hobo lage. Eneka hoi kene Isor laga paisa to sai sai kene dibonapara, jijun mangi ase manga sob ke mangi ase koi kene dibonapara le nahoi.

Matro girja sadasya khan ke modot diya nahoi sob manu jijun modot lage etu khan ke modot di girja pora modot dibonapara le upai thakiase kole. James 1:27 aru James 2. Etu manu khan ke susamachar ponjai dibole upai hoi.

Eneka kaam khan kori nimite pujikhan (funds) kot pora ahise? Tai khan sadasya khan pora ahise, mane tai khan dibole mon ase (1 Corinthians 16:1,2; 2 Corinthians 9:6,7). Mane Khristan khan nadile, etu joruri thaka khan girja upai nakore.

3. Girja ke thik kori. Thik kora kowa kotha to bonai se kowa kotha ase, takra kora, mon dangor kori diya, atma te dangor hobole girja sadasya khan ke honghai kore. Thik koribo nimite ki bostu khan lage? Isor laga kotha, ek dusra miljul kora, upaasona kora, ek dusra modot kora, bhal kaam kora aru morom kora eneka. Acts 9:31; Romans 14:19; 1 Corinthians 8:1; 1 Thessalonians 5:11; 1 Corinthians 14:26; 2 Corinthians 12:19 aru Ephesians 4:12) porhibi.

Hekh howa te, bisi manu asurit hoi ase mane girja iman dangor kaam khan kori sob duniya laga sansthan na bonai kene, girja laga matha manu nathaki kene, aru bina paise uthai diya rasta nathaki kene koi kene. Kintu Probhu laga rasta sob se bhal rasta hoi, ekta to he tai laga kaam kori bole

ekta matro rasta, Isor ke araathana koribole, sanmanit (honor) kori bole, aru mahima kori di kene tai laga itcha amikhan kori kene aru eneka kori kene amikhan yate duniya thaka uddeshya puri kori kene thakibo. Khrista to girja laga matha ase aru protito Mondali laga, aru protito sadasya to nijor nijor part lobo laga hoi. Girja pora tai nijor laga kaam to kori bo pare tetiya sadasya khan taikhan ki paise etu diya humoi te.

Susamachar prachar kora, dukhiya joruri thaka manu khan ke modat kora, nijor sadasya khanke dangor hobole korane thik kori diya, etukhan sob manu khan laga atma khan bochabole korane kora kaam ase, aru etu hekh, Isor ke prasansha koribo etu khan sob pitor te. Girja kaam nai etu nahoi le. Rajniti (politics), bebohay (business), aru girja ke bekar bonaidiya, kintu girja ke samajik sangathon bonai diya to Isor laga kothapora bidekhi (foreign) ase. Probhu laga girja to aadhyatmik sharir ase, duniya te ase hoilebhi duniya laga nahoi, Isor ke mani bole aru manu ke sheva koribole, sabha aru popitra hoi thakibo korane kora, tai nijor laga sadasya (members) khan poritran korane, aru nijor ke sristikarta ke mohima hobo korane bisiri ase. Etu Probhu laga girja, tai laga kaam, aru tai laga uddeshya (mission) ase.

PROSNA KHAN

1. Probhu laga girja ki bebohay (business) te nahoi?
2. Dhormikkata duniya kisim kisim bebohay lav pabole korane te byasto thokibole korane hoi ne ki?
3. Girja laga kaam ki ase?
4. Matthew 28:19–20 aru Mark 16:16 te thaka Probhu laga hukhum / aadekh dibi.
5. Ake laga Khristan khan pora taikhan alak alak jagah pheri thaka te ki korise kobi?
6. Taikhan pora prachar kora kiki ase le?
7. Biswas keneka ahise le?
8. Amikhan ke ki pora azadi disele?
9. Kene kori kene manu ke bochabo?
10. Kun harai jabo?
11. Joruri thaka manukhan ke mottat di bole korane girja bhabona kori na ki?
12. Jerusalem te thaka modot joruri thaka khan ke kun pora borongoni (contribute) dia kori disele?
13. Sob ke modot koribo na ki?
14. Kun khan ke protham mottat koribo lage?

15. Modot diya te ki sima bodhota (limitation) ase?
16. Girja bahar te thaka khan ke bhi modot kori bona ki?
17. Joruri thaka khan ke modot di bole puji (funds) kot pora ahise?
18. Puji khan ketiya uthabo lage?
19. Thik dangor (edify) kori diya kowa kotha bhal ke artha dibi.
20. Thik dangor kori bole bostu khan ki ki ase kobi?
21. Keneka kori kene Isor ke prasangsha hobo aru mohimamondit kora hobo?
22. Girja laga matha kun ase?
23. Girja laga kaam laga uddeshya ki ase?
24. Girja to duniya laga hoi ne ki?
25. Kun ke girja bitor te rajniti, bebohay, eneka khan bidekhi hoi?

PAAT 10

GIRJA LAGA OIKYA (UNITY)

Dhormik kata duniya aji girja laga oikya Korane bhabona kora akete thaka pora bisi ase. Bishojoneen aandolon (ecumenical movement) pora sob jagah te manu laga kalpona thori loise. Kilemane, duniya laga dhormikka-ta bibhajon (division) bisi thakha korane ekjun aru sob manu amuni hoise/ bhagolagise etiya. Aru bhi, oikya (Unity) to dhormiya sansthasomuh (religious bodies) asonmot(disagree) xahamat(agree) kori kene ahi bo le nahoi. Bibhajon to thakibo alop din korane ekta oikya aathaba sampreety (harmony) thakibo korane ji man kori le bhi nahoi. Etu hoi le uttor to ki hobo? Uttor to Bible te ase. Hosa oikya thaki bo korane nijor siksha khan, matbat khan, naam khan, girja khan nijorgirja laga biswas likha gitap khan aru eneka khan sharibo lage, aru Bible to uthabo lage, poribo and adhyayn koribo, biswas koripo lage aru manibo lage. Tetiya heh Probhu pora thakibo korane John 17 te prathana kora nisena prokrit (genuine) oikya thakibo paribo. Manu khan pora etu korile, tai khan sob ekta bostu biswas koribo, sob ekta siksha manibo, sob satriya naam pentibo, sob ekki logote kaam koribo, sob ekta siksha sikha bo, aru sob ekki logote sorgo jabo. Manu ke anusoron kora shari kene Khrista ke anusoron kora shuru kori le oikya to asan pora hoijabo.

Sastrakhan pora bibhajon kora ke ninda kore. Bible pora koise mane bibhajon kori bole kuti lagai diya manu khan aru bhai dada majote kaijal kori bole bij sicha bibad (sowing discord) kora manukhan ke Isor khin kore (Proverbs 6:19). 1 Corinthians 1 te Corinth te thaka girja bibhajon korise. Paul bhal kaam korise apnikhan bibhajon to kobole nimite mana korikene jalti ke bibhajon kora puk to morai dibole khusis kore. Tai pora etu koi kene shuru korise, “*Etiya, moi apnikhan ke utsah kori ase, bhai khan, Probhu Jisu Khrista*

laga naam te, apnikhan sob ekta kotha kobi, mon milai lobi, aru ta te apnikhan majote bibhajon(bhag) nahobi, kintu apnikhan nikhutvawe eke logote mili kene eke bhabona hobi aru ekta bichar kori kene thakibi.” (1 Corinthians 1:10). Tenika tai tinta prosna kori kene ake barise, tai pora prosana kora majo te ekta prosana pora bhi bhag bibhajon kora galati ase kowa dikhaise. Prosana khan to: Khrista ke bhag kori kene bibhajon koreneki? Apnikhan korane Paul ke khrush te dia korise neki?, apnikhan ke Paul laga naam te baptizma dise ne ki? Etu prosana khan sob te uttor khan nahoi kowa te he pabo. Etu korane, taikhan bhag kora to bekar ase misa misi ase kowa dikhaise. Etu ekta pachoni Paul pora Rome te thaka bhai khan ke likhi se, “*Etiya bhai khan, ami laga kotha bhal pora huni bhi, jun khan apuni khan majote dushmani nohoile bhi rasta bondh kori diye, aru apuni khan ke sikhai diya kotha khan laga bhirodh te kori diye. Eneka manu khan pora ghurai lobi. Kelemane eneka manu pora amikhan Probhu Khrista ke sewa nakore, kintu nijor pet nimite he sewa kore, aru taikhan laga mitha aru sundur kotha pora najana manu khan ke thogai ase*” (Romans 16:17,18). Colossians 2:20-22 te tai pora koi se, “*Jodi apuni Khrista logote etu prithibi laga sob jinis khan chari dise, titia hoile aru bhi etu prithibi laga itcha te thaka nisena kele thaki ase: Apuni nadhuri bhi, aru khai nasabi, aru na chubi!*” *Eitu khan sob to harai jai ase, manu khan pora kowa aru sikhai diya nisena.”*

Etu khan sob sai kene kobo pare mane manu khan laga siksha, manu laga matbad khan hukhum khan, manukhan ke utja koridiya khan, Bible nahoi kene manu pora bona gitap khan grahan (accept) kora aru peche kora khan ase bibhajon koridiya to. Dusra kotha te kobo kole, oikya tahkibo pare aru bhurti kori bo para oikiya to Khrista ke he biche korile. Prathana kora to Khrista ase, “*Moi khali etu karone binti kora nohoi, kintu taikhan ke bhi, jun khan taikhan laga kotha pora Moike biswas koribo sob karone binti ase, taikhan ke bhi ekta hobole dibi, jineka Apuni, Baba, Moi logote ase, aru Ami Apuni logote ase, eneka taikhan bhi Amikhan logote thaki bole, eneka pora duniya biswas koribo Apuni he Amike pathaise koi kene.*” (John 17:20-21). Etiya, Khrista namumkin bostu korane prathana koriseneki? Nahoi, Oikya thakibo pare. Kitiya? Khrista ke amikhan biche korile. Manu pora bona siksha pora amikhan bhag kori di kintu Bible siksha pora amikhan oikya anni di ase.

Ephesians 4:1-6 te oikiya thaki bo nimite formula ase. Listen etu. “*Etu nimite ami Isor laga bondhi ghor te thaka manu, apnikhan ke utsah kori ase juntu kaam kori bole apnikhan ke matise etu thik pora kori kene berabi, nomro aru norom hoi kene, dhoro kori kene, ekjon-ekjon ke morom te thakibi, shanti pora Atma bhitor te ekta hoi kene thaki bole kosis koribi. Ekjon he gaw ase, aru ekjon Pobitro Atma ase, jineka apnikhan ke ekta bhabona kori kene mati sele, ekjon Isor, ekta biswas, ekta baptizma, Ekjon Isor aru sob laga Baba, jun sob laga uporte ase, aru sob pora ase, aru sob bhitor te ase.*” Etu jani

lobi etu oikiya korane abedon(plea) ase. Jani lobi, etubhi, mane, jiman uporte likhi kene ase etu khan te ekta kowa nahoi kene ekta pora bisi thaka kotha ekta bhi napabo. Pabo naki?

Girja laga oikiya to Khrista pora tai laga girja bonabo kowa te dekhi paise. (Matthew 16:18), matlab, ekta he, etu aadhyatmik sorir (gaw) ase, (1 Corinthians 12:27), aru tai etu laga matha to ase, (Colossians 1:18). Khrista pora matha duta aru gaw duta thaka korane atiyok (accuse) nakoribo. Girja ke Isor laga ghor aru Isor laga pariyal nisene chehira dekhai hoi (1 Timothy 3:15). Kintu kiman Isor laga kiman ghor aru kiman poriyal ase? Ekta he, hoi. Amikhan pora Khrista laga rajya aru Isor laga rajya etu laga raja Khrista hoi kene thaka poriyal ase (John 3:3,4; Colossians 4:11; 1 Timothy 6:15). Kiman rajya aru kiman etu rajya laga raja ase? Ekta he.

Hosa ke Bible pora dhormogusthi khan kori bole bhabonana kora ke birodhi (oppose) kore, mane etu pora bibhajon/bhag kori di. Dusra kotha te kobo kole, Bible pora oikiya,ekta howa mon,sampurnota(completeness),aru pura howa dekhaise. Bible pora girja to rahasyomoi (mystical) gaw dharmikata manukhan biswas aru obhyas (practice) alak hoilebhi ekta nisena bonai lowa to nadekhai, kintu Bible pora dekhai mane girja to Khrista laga ase, antherapora pohorte matia khan pora bonai lowa, Khrista biche kora khan,aru tai laga siksha manikena bohaidiya khan ase koi kene. Khrista ke bhag koribo napare aru tai laga girja bhag koribo napare. Bhag kora aru bhag korikene thaka ke samarthon (uphold) kora to Khrista ke aru Khrista laga prathana birodhi kora hoi.

PROSANA KHAN

Morom pora bhal uttor dibi

1. Aji kunuba girja ek hobole korane abedon kora asena ki?
2. Oikya korane Bible pora iman mon thaka to ki korane hoi?
3. Oikya (unity) to dhormiya sansthasomuh (religious bodies) asonmot (disagree), xahamat (agree) kori kene ahi bo porenaki?
4. Oikya korane uttor to ki ase?
5. Oikya hobo korane manu pora ki charibo lage?
6. Amikhan sob ek hobole korane kune prathana korise?
7. Oikya howa laga bhol to ki hobo?
8. Sastra pora bibhajon ke ninda kori ase ne ki?
9. Probhu pora ki khin korise?
10. 1 Corinthians 1:10 uddhriti (quote) kori bi.
11. Corinth te thaka girja Paul pora prosana kora tin ta to kobi.

12. Ki got (group) manukhan ke cin koribi koise?
13. Taikhan kun ke sewa kori ase?
14. Amikhan taikhan ke erai (avoid) koribo na nahoi?
15. Probhu ke misa misi ke upaasona kora khan kun khan ase?
16. Ki korane Khrista pora prathana kori se?
17. Tai namumkin bostu korane prathana kori se ni ki?
18. Oikya hobole sud (formula) ki ase?
19. Tai khan kiman ase protito te?
20. Khrista pora kiman girja nirman korise?
21. Girja to ki ase?
22. Etu laga matha to kun ase?
23. Khrista gaw ek pora bisi asena ki, aru matha ekta pora bisi asena ki?
24. Probhu kiman poriyal ase?
25. Isor kotha pora amikhan bhag koribona aadhaba milabo?

PAAT 11

GIRJA LAGA CREED

Creed kowa kotha to Latin kotha, Credo, pora loise, aru etu artha to “Bishas ekta” kartrittohil sut (authoritative formula) dharmik bharashaa; (religious faith) jikono sut aathabaa shikaroktti (confession) laga dharmik bharashaa; sarangsh laga neetisomuh aathabaa motamot shikar kora athabaa mani solisil kora. “Ekjun manu pora creed ekta kowa kotha bhabile, “pachoni khan laga creed bole”, aru “Nicene creed” to” bhabona kore. Hoilebhi, uporte kowa duta to Bible te napai. Todupori (furthermore), manu pora bona girja protikto nijor manu pora bona creed manuwelsomuh ase, anusason-somuh (disciplines) bishas sikar kora eneka., etu sob Isor laga kotha uporte hallidia kotha hoi.

Poramorsh diya hobo pare mane jikono creed kitap Bible pora bisi hoi, bisi antorbhukta hoise, aru jikono creed kitap Bible pora komte ase, bisi komti antorbhukta hoise. Aru jikono creed kitap iku antorbhukta nai Bible nahoikene to iku phaita nai kilemani amikhan korane Bible ase. Revelation 22:18,19 aru Galatians 1:6-9 te amikhan Isor laga kotha uporte iku dibo nalage aru etu pora biyog kora naparibo, aru etu ke botlai dibo naparibo kowa chap kori di kene ase. Dusra kotha te kobo kole, sastrakhan to sampurn (complete) hoise (2 Timothy 3:16,17), taikhan to nikhoot (perfect) hoise, (James 1:25), aru amikhan Isor laga kotha he kobo lage (1 Peter 4:11). Etu korane amikhan eku dusra kitap athabaa kartritoothil kitap khan nalage.

Aji dharmik duniya bhag kori se manu khan Isor kotha biche jowa

korane nahoi manu khan bona manu laga creed khan laga biche jowa korane ase. Eneka tork kora ase mane protikto girja nijor niomosomuh thakibo lage, eneka. Etu kowa bitor te bhi kiba humai diya ase aru Bible ke phelaise. Kiman bhoi koribo kotha, Etu korane sob ke ekta abedon korise sob ke manu pora bona kitap khan charikene Bible etu Isor laga kotha ase etu te ghuri ahi bole korane, Bible amikhan ke bhag nakoridibo kintu etu pora amikhan ke ekta kori dibo Khrista Jesu bitor te.

Probhu laga girja laga creed ki ase? Amikhan amikhan ke tran karta dusra nai Khrista nahoile, eneka amikhan creed nai Bible nahoi le. Amikhan laga motamot aru aidia khan amulya(worthless) ase. Amikhan laga nijor byakttigot byakhya (private interpretation)nai. Jiman amikhan ji ase to Bible. Bible laga siksha khan amikhan manise aru dusra khan ke bhi etu te ponjai di ase. Amikhan laga ekjun ke aru sob ke abedon kora to etu poribi aru abhyan koribi (John 5:39; 2 Timothy 2:15), aru amikhan pora sob jagah te manukhan ke koise Bible pora ki sikhai se etu kori bo nimite.

Amikhan pora anusoron (follow) kora atirikto (additional) kitap athabaa kitap khan nai. Bible soman nion aaru bidhi laga kitap likhi bo para manu ekjun ase kowa amikhan biswas nakore. Aaru Probhu pora kono ekjunke eneka kitap ekta likhibo nimite othikor dise kowa amikhan biswas nai. Aru amikhan Popitra Atma pora ekjun ke eneka gitap ekta likhibole anupranit kora ase kowa biswas nai.

Etu Isor laga kotha ase aru Isor laga kotha matro Isor pora ahise, aru etu Isor pora anupranit(inspired) kore, aru etu pora amikhan ke bachabo pare. Todupori, Hekh howa din te amikhan ke bichar kori bo le thaka to Isor laga kotha ase (John 12:48). Apni pora kottebhi sahi to napabo amikhan sahi laga shuru kora te jowa nahoi kene. Etu korane sahi to biswas kori bo nimite sahi hunibo lage (Romans 10:17). Etu asorit kotha nahoi mane prithibi laga jada manu khan to protarit korise(deceived) dhormiya bihoy te. Asorit nahoi mane dhormiya duniya te bibhajan aru khelimeli bisi ase. Isor te nahoi kene manu pora manu ke modot korane jaijaise. Bible te likhi kene thaka khan to nahoi kene manukhan pora sikhai diya siksha te jaise. Hosa ke manu to Bible te ahibo lage tai bachabo kole to.

Amikhan manu khan ke utsha dibo lage sahi girja laga bihoye janibo kole Bible te jabo lage koikene. Duniya te bisi nokli girja khan ase hosa girja nisena lage. Kunto thik ase hosa ase? Ekjun pora protikto to ek ek kori kene alak alak ke adhyayn kori bo lage ne ki? Na hoi, Girja bihoye sahi kotha sikhai diya kitap Bible te he jabo lage. Ek par sahi Probhu laga girja sikhi lowa piche te, Bible laga siksha palon kora girja kun to ase kowa bujhi pabo.

Ekjun manu pora bachabole ki koribo lage kowa sikhi bo nimite Bible te jabi koi kene utsha kori bo lage. Bachabo korane bisi rasta ase, manu laga siksha te kowa nisena, hoilebhi Isor laga kitap te jai le sabha ke likhi kene ase mane prothom sahi kotha huni bo lage, biswas koribo lage, mon ghuri bo lage, sikhar koribo lage, aru pap khan dhubo korane baptizma lobo lage (Mark 16:15,16; Acts 2:38). Manu pora kowa pora ki alak ase Bible pora kowa pora? Probhu he ase amikhan ke bochadiya to, etu korane tai ke hunibo lage aru manibo lage bocha bo korane.

Amikhan pora utsah dibo lage manu khan ke Bible te jai kene keneka Isor ke upasona koribo kowa sikhi lobole korane. Manu pora kowa biporite (contrary), Isor ke upasona laga rasta bisi thaka nahoi. Bible pora sikhai diya to ekta rasta he ase Isor ke upasona kori bo nimite aru etu Probhu pora eneka kowa nirdist kora hoise (specified) tai laga kotha te (John 4:24).

Etu matro nahoi kene, kintu sob bindu(point) te poritran korane, jivan korane aru Isor bhakti (godliness) korane, sahi kotha to pabo nimite Bible te jabo le koidibo lage. Manu khan pora Bible to bujhi pabole nahoi kowa kotha rakhi aru Bible to ekki homan bujhi pabo napare kowa bhi thik kowa nahoi. Satan pora manu ke bible pora durte jaiki ne haraijabo nimite mon kori ase, Kintu bochabo korane tai Bible te jabo lage, biswas koribo lage, aru tai korane ekta matro nirdekhona(guide) ase dharmik bihoy korane. Enika kori kene tai ke bochabo paribo mane eneka korikene tai hosa hobo pare.

Amikhan laga creed to ki ase? Jesu Khrista aru tai laga kotha. Tai nahoi kene konubhi nai dusra. Amikhan biswas kori se Khrista to Isor laga chokhra ase aru tai laga kotha to final ase. amikhan pora etu mani se aru amikhan etu laga piche kori jai. Dusra manu khan sob ke bhi eneka kori bole kobo mon-jai. Manu pora bonai lowa creed pora ekta jagah te bochai dibo Norok. Jesu pora koise, *“Jisu taike koise, “Moi he rasta ase, aru hosa ase aru jibon ase; kun bhi Baba logote jabo napare Moi pora nohoile.”* (John 14:6).

PROSNA KHAN

Morom pora bhal ke uttor dibi

1. Creed kowa kotha artha dibi.
2. Manu pora bona prokriti girja (dhormogusthi) khan ki ase?
3. Kotha te halidiya aru biyog kora khan ke ki hobo kobi?
4. Sastra kotha khan sampurn kora hoise ne ki?
5. Nikhoot ki ase?
6. Amikhan keneka kobo lage?
7. Katripakkh (authority) atirikto kitap ekta ase ne ki?

8. Ki korane dharmik duniya bhag kori se aji?
9. Bible pora amikhan bhag kori dibo ne ki?
10. Probhu girja laga creed ki ase?
11. Amikhan laga nijor motamot aru aidia kiba mulya ase ne ki?
12. Nijor byakttigot byakhya thakibo korane othikor ase ne ki?
13. Bible ke homan likhibo para manu ekta jia asene ki?
14. Probhu pora kunba manu ekjun ke kitap ekta likhi kene etu kitap Bible homan ase kobo para kiba ase ne ki?
15. Isor laga kotha kotpora ahise?
16. Akhri din te amikhan ki kotha pora bisarok koribo?
17. Hosa to ki ase?
18. Manu pora modot korane kun ke jabo lage?
19. Girja bihoye karne sahi kotha janibole ki kitap te jabo lage?
20. Bochabo korane bisi rasta ase ne ki?
21. Poritran pabo nimate Bible pora manu ke ki koribo lage koise?
22. Manu pora upaasona kora te ki koribo lage kowa Probhu pora tai laga kotha te koidi kene ase ne ki?
23. Bible to bujhi pabo pore ne ki?
24. Amikhan sop Bible ekih homan bujhibo pore ne ki?
25. Sorgo jabole ekta matro thaka rasta kun ase?

PAAT 12

GIRJA LAGA ITHAZ

Acts 2 te Probhu laga girja athabaa Rajya protisthan kora laga jagah bonai dise. Pachoni khan Jerusalem te ase, Aatma taikhan laga uporte pheilai dise, bisi jati khan laga protinidhisokol (representative) khan chama hoikene ase Pentecost palon kori bo nimate. Peter aru pachoni khan prochar kori kene koi se mane etu Joel nobee pora kowa kotha ponchise koi kene, Khrista mori kene akhri din khan shuru hoise. Anutap kora aru pap khyamaa kora prochar kori se, 3000 aatma man susamachar prachar kora huni se aru baptizma loise, aru Probhu pora taikhan ke girja te halli dise. Tetiya susamachar Jerusalem pora ulaise Judea tak, Samaria uporte, awohekhote sob prithibi jagah ponjibo sob jiba sorgo nichete thakha khan sob nahuna tak (Acts 1:8; Matthew 28:19,20; Mark 16:15,16; Colossians 1:23).

Pachoni khan laga somai te girja fuli uthil (flourished) korise aru jalti ke biypaa (spread) korise.

Paul laga rupantor (conversion) kora bichete, tai tin ta michaneree jatra (missionary journey) korise, ehudihokol (jews) matro ke prachar kora na-

hoi kene, ona-ehudihokol te bhi prachar kori se. Etu laga phol bisi manu khan rupantor korise aru probhu laga girja mondali khan bhi bisi bonai se Asia aru Europe pura jagah te. Kintu etu kam khan to asan nahoi, ji man rupantor kori se jiman nirjaton(persecution) ase. Sobse prothom, etu Girja ke Jerusalem te nirjaton shuru korise. Etu Korane, chela khan to sob jagah te sichoroti(scattered) korise, aru sob jagah te jai kene kotha to prachar kori se (Acts 8:1-4). Somai to jai thaki kene, Rome manukhan pora taikhan laga samasya khan khristan khan ke dayee dise kreeda (sport) bonai se, taikhan ke sob Rome duniya laga erina khan te sasti dia (punishing)pora. Hekh howa te Paul ke jail te rakhise aru Rome te loi jaise porikhan koribo nimate. Dhormanirpek-kh (secular) itihaz pora kowa hisap te sob pachoni khan John nahoi kene ke swohid budhijibi diwas (martyred) kori se Khrista korane. Sho sho, aru hazar hazar aru hobo pare lakh lakh khristan khan tai khan laga jibon haraise.

Etu nirjaton(persecution) pai thakile bhi, Girja dangor uthi thake aru biypaa(spread) hoi thake. Girja ke sop pora dangor phuwai dia to nirjaton pora nahoi, kintu girja pitor te hoi thaka etu he sop pora dangor to hoi. Pachoni Paul pora vawishyadanee kora hoise mane kunuba to sahi rasta pora giri jabo koi kene. Dusra kotha te kobo kole, girja sadasya khan bisi to phul/galat resta te jai jowa din ahibo koise. Kintu tai ki koi bhalke sabo amikhan: *“Etiya Bhai khan, kele koile apnikhan nijor jani ase amikhan pora apnikhan logote aha to ene misa-misi pora nohoi. Hoile bhi, apnikhan nije jana nisena, amikhan poila bhi dukh paise aru Philippi sheher te sorom khaise. Amikhan Isor logote mon dangor kori kene bisi dukh pora Isor laga kotha prochar korise. Kilekoile amikhan pora utsah diya khan galti pora nohoi, letera thaka pora nohoi, nohoile thogabole nimate bhi nohoi. Hoilebi jineka Isor pora amikhan ke Tai laga susamachar dise, etu nimate manu ke khushi kori bole karone amikhan kotha kuwa nohoi, kintu Isor kun pora manu laga mon sai Taike khushi kori bole koi ase. Kilekoile apuni khan jane amikhan to phusla bole, nohoile misa kotha pora kiba lobole aha nohoi - Isor he amikhan laga sakhi ase. Amikhan manu pora proshansa bisara nohoi, apuni khan pora aru dusra khan pora bhi. Amikhan Khrista laga chela ase koi kene apnikhan uporte bhari boja nisena ahibo paribo thakise. Kintu, apnikhan majote, amikhan he bacha nisena hoi jaise aru ama pora jineka bacha khan ke morom kore, etu nisena apnikhan ke bisi morom korise. Khali Isor laga kotha he nohoi hoilebi nijor jibon bhi dibole taiyar ase. Keleman apuni khan karone bisi morom hoi jaise. Kilekoile bhai khan, amikhan dukh pora kaam kora to apnikhan jani ase. Amikhan Isor laga kotha apnikhan ke kowa somoite, apnikhan ke dukh kosto nadibo nimate amikhan din raat kaam korise. Apnikhan aru Isor bhi sakhi ase, amikhan laga नियम to biswasi khan age te kiman pobitro aru dharmik thakise. Etu nisena amikhan kineka apnikhan logote thakise etu apnikhan jani ase, jineka ekjon baba tai laga nijor bacha logote thake, etu nisena apuni khan ke mon uthai dise, mon*

dangor kori dise aru, kineka korile Isor ke khushi koribo etu khan hodai sikhai thakise, jun pora apnikhan ke tai laga rajyo aru mohima te matise.” (2 Thessalonians 2:1-12).

Ephesus te thakha girja laga bura khan ke kowa te, Paul pora koise: *“Etu karone apnikhan nije bhi hoshiaar thakibi aru Pobitro Atma pora apnikhan ke sabole mer khan dise. Hoshiaar pora Isor laga girja ke roikhya koribi, jintu Isor Tai Nijor laga bacha khun pora kinise. Kelemanee moi jani ase moi juwa pichete rong kutta khan tumi laga majote ahibo, aru tumikhan ke nacharibo jun khan etiya bisi ase. Aru moi jani ase tumikhan nijor bhitor pora bhi misa kowa ulabo aru biswasi khan ke taikhan phale kori loi lobo. Karone hoshiaar koi kene thakibi, aru bhabona koribi, moi tin saal tak rati din suku pani girai kene sob manu ke sikhaise.” (Acts 20:29-31).*

Paul pora satark kora nisena, girja bitor pora olai kene Khrista laga sadasya khan bisi ke loijawa shuru kori se. Dhormanirpekkh (secular) itihaz pora amikhan ke koi di ase mane aatori pori jowa to girja laga sorgar athabaa sanstha uporte akromon(attack) kora pora shuru korise koi kene. Probhu laga porikolpona(plan) to protikto mondali swadhin (independent) hobo lage dusra pora nijor burakhan aru dicon khan thakhibo lage. Hoilebhi, somai jowa logote etu mondali khan bisi to ekta bura ke athabaa bishop ke dusra bura athabaa bishop laga uporte utjah kori kene uthai diya shura hoi se, awohekkhot, etu bishop khan majo pora ekta bishop ke bisi mondali khan uporte sason kori bole anumoti (permitted) dise, aru lahai ke ake bari kene folaf (outcome) ekta bishop ke sarbojoneen bishop bonai kene sob girja uporte nijuktti (appoint) korise. Hah etu to ekta rati pitorte howa nahoi, bisi sal bichete aru eneka A.D. 606 te sob pora prothom sarbojoneen bishop to matha athabaa Pope hoi jaise, girja laga Dhormvrost khond (apostate sector) hoi jaise, etu laga folot aji amikhan pora dekhi powa catholic girja hoi. Prophu laga girja ke ki hoise? Bishasi alop to hosa rasta te jai thakise, pora pori hoi kowa dekhi napailebhi, Probhu pora wada korise mane tai laga rajya hamesha korane khara kori thakibo, aru etu eneka hoi thakise.

Dharmik duniya bhabona koribo kole, catholic girja sob pora dangor aru bisi hoise. Hosa pora ki hoise kobo kole ahi thaka bisi sal taikhan duniya niontron (controlled) korise aru etu ke Andhera Juk khan koi kene jane. Etu Korane to catholic girja pora mamuni manu khan Bible porhi bole mana korise, mane etu porohit khan porhi kene buji pabo lage aru porhibo lage, aru tai khan manu khan ke Bible pora ki sikhaise kowa koi dibo. Etu laga matlab ase tai khan manu khan ki koi dibo mon ase etu khan he koidibo.

Etu somai te catholic girja duda bhag korise, Roman aru Greek sakhabor khan(branches) etu siksha uporte mane baptizma lowa to pani alop he chatiyai dia kora aru girja te jantrik sangit, (mechanical music) chola. Ene-

ka somai jai thaki kene, Roman Catholic girja pora tailaga porisot (council) dwara bisi dusra siksha khan aru sikhai diya khan tai laga podhoti (system) te dhalidise. Awohekhhot ek hazar panch sho sal te catholic to siksha te aru noitikvawe(morally) bisi durnitigrosto(corrupt) hoise etu korane ekta manu tai laga nam Martin Luther pora etu girja sanskar(reform) kori bo korane khusis korise, tai nijor bhi ekta porohit hoi kene. Awashye,(however)tai ke bohiskar kora hoise(excommunicated),aarua tai etu girja shari kene tai ki hosa ase bhabona kore etu sikhabo aru obhyas (practice) kori bo nimite jaise. Etu pora sanskar andolon, athabaa,protestant dhorm ahise, aru etu pora aji din laga dhormogusthibad (denominationalism) koi kene jana to ahise. Luther khusis kora pora ekta pohor tu di kene Bible te ghuri ahibo korane korisele hoilebhi, tai khan pora pori hobo napare.

Ek hazar sath cho aru ek hazar ath cho sal laga bitor te,dhormogusthi manu khan Europe te aru America te bibhajon (division) kora aru khelimeli kora korane bisi amuni lagise. Lahai lahai, taikhan Galati dhorm shari kene pura Bible te lota kene guri aha shuru hoise. Taikhan laga etcha to notun girja shuru kora nahoi kintu taikhan laga itcha to sastra khan te porhi kene powa girja te lota kene ghuri aha hoi. Etu taikhan korise,aru etu somai pora loi Notun Niom laga khristan khan hobole korane abedon kora kotha somogra bichete huni paise lakh lakh manu manu laga siksha sari kene mamuli khristan khan aru probhu laga girja laga mamuli sadasya, taikhan ekta matro thaka nirdekhona dia(guide) to Bible matro ase.

Khristan khan, duniya laga sob jagah te jai kene satya prachar kore, Africa te, India te, Russia te, Poland te, aru dusra bisi jagah te girja to sabha ke thaka awiskar (discovered) kora hoise. Etu girja akete keneka thaki ase teneka aji bhi thaki ase. Etu Bible laga girja asena nai kowa praman koribo nimite suru pora tag (trace) kora darka nai. Girja laga nomuna (pattern) to Bible te ase aru amikhan etu nomuna to anusoron kori le amikhan Probhu laga girja hoi. Bij to Isor laga kotha hoi (Luke 8:11) aru etu bij pora ekei bostu olabo akete pachoni khan laga dinte howa nisena-khristan khan aru Khrista laga girja laga sadasya hobo. Amikhan jane Probhu laga Rajya hamesha khara kori thakibo. Kunba jagah etu Rajya thaki ase etu sthapit kora din pora loi-kene aru etu khara kori thakibo,manu athabaa beya Satan pora bhi eku sakti nai etu ke dhwongkh(destroy) kori bole. Etu Probhu laga Rajya ase, tai laga Girja, prothom shuru pora loi akhri din tak etu bejayee hoi ase, aru awohekhhot etu Probhu logote thakibo hamesha.

PROSNA KHAN

Morom pora bhalke uttor dibi

1. Bible kot jagah te Probhu laga girja sthapit kora laga khisa likhi thaka amikhan paise?
2. Ki sahor te etu sthapit korise?
3. Etu din te kiman jun ke etu girja dhallidise?
4. Kot kot te susamachar prachar korise?
5. Paul pra kiman missionary jatra korise?
6. Paul ehudi hokol matro ke prachar korise.
7. Ki duta desh khan te Paul laga kam kora laga fol hoi kene sthapit korise?
8. Chela khan ki korise, taikhan dusra desh sichoroti (scattered) kora te?
9. Kun pora Probhu laga girja atyasar (persecuted) kori se?
10. Kiman pachoni khan ke taikhan laga biswas korane morai dise?
11. Girja ake bari thaki eman atyasar koridia pichete bhi?
12. Paul pora girja te ki ahibo koi kene satark korise?
13. Keneka girja uporte akromon kora shuru hoise?
14. 606 A.D. te ki hoise?
15. Probhu laga girja uporte ki hoise?
16. Ki korane ake barasal khan andhera juk koise?
17. Catholic bhag kora sakhabor duta to ki ase?
18. Roman Catholic girja sanskar kori bole kora manu laga naam ki ase?
19. Tai pora ki sanskar kori bole bisiri se?
20. Etu khan ki dangor andolon olaise?
21. Taikhan Bible bura lota ghuri ahi bole hofolota hoi neki?
22. Ek hazar sath cho aru ek hazar ath cho sal te ki hoise?
23. Probhu laga girja laga nomuna korane Bible te lota kene taikhan notun girja sthan pit kori se neki?
24. Etu ekei girja prithibi dusra jagah te bhi Khristan khan pora pai neki?
25. Khrista laga sahi/hosa girja aji thaki ase ne ki?

PAAT 13

ETU GIRJA AJI

Probhu laga girja dui hazar sal man jaise prothom sthapon kora din pora loi kene (Acts 2) kintu etu aji thaki ase akete keneka ase jineka. “Kintu etu keneka eneka hobo paribo” apni hudibo pare. Hoi pare ene Notun Niom laga girja laga nomuna anusoron kora te.

Kisuman to kunpa chap (impression) nichete ase mane girja to akeite Probhu pora sthapit kora ekkei na nahoi kowa janibo nimate amikhan tag

(trace) kori jabo sal sal pora Pentecost din tak laga resta te. Awashya, etu sahi nahoi. Prothom jagah te, Amikhan Probhu pora kowa ase eto tai laga Rajya athabaa girja kitiya bhi dhwongkh (destroy) kora nahobo kintu etu khara hoi thakibo (Daniel 2:44; Luke 1:33; Hebrews 12:28). Etu laga arthato etu girja to kotba jagah te thaki ase shuru kora din pora loi kene etiya somai tak. Etu sahi ase mane etu sob jakalote sob somai te thaki bole nahoi. Porowortee sthan te(next place),amikhan rajya laga bij ase (Luke 8:11) sanrakhan kori kene ase Notun Niom te. Pachoni khan laga din te etu bij pora khristan khan utpadit (produced) kori se kole etu bij pora aji bhi khristan khan utpadit koribo. Etu khristan khan pora girja bonai se pachoni khan laga somai te kole aji bhi ekei sahi hobo lage.Seyehe, Probhu laga girja jatei nahauk Notun Niom thakha jagah te thakibo parise kole to etu thakha khan etu pora ki koi etu koribo.

Isor pora tai laga manu khan ke nomuna ekta to di thake anusoron kori bo nimite. Tai pora Noah Noe bonabole nomuna ekta dise (Genesis 6)Tai pora Moses kebhi tomboo bona bole somai te bhi satarkabanee (warning) logote ekta nomuna dise. *“Taikhan sorgote thaka laga saya ki dikhi ase etu ke sewa kora he ase, jineka Moses ke Isor pora mana korise jitia tai aradhana kora laga jaga bona bole thakise. Kelemanee, Isor he koise, “Sabi tumike pahar uporte loijai kene nomuna keneka dikhai dise etu nisena he bonabi”* (Hebrews 8:5). Aru eneka hoi kene Notun Niom te nikhoot (perfect) nomuna dekhai dise Probhu laga girja laga nomuna to. Noah aru Moses ke dekhai diya nomuna to anusoron kori bo lage kole amikhan teneka girja laga nomuna anusoron kori bo lage. Noah aru Moses Isor pora dekhai diya noe aru tomboo nomuna anusoron kori kene Isor prosna korise teneka amikhan girja laga nomuna anusoron kori le Isor prosna koribo aru folafi(result) jimane girja bhi Isor keneka bhabona korise jineka jog(addition) aru biyog(subtraction) nathaki kene thakibo (Revelation 22:18,19).

Girja laga chinaktokoron nombor khan sob sabha ke Notun Niom te rakhi di kene ase. Probhu pora girja ki ase, kune bonaise, ketiya bonaise, etu ke chini powa naam ki, etu laga sadasya khan laga naam ki, aito laga sadasya kene ka hobo,etu laga upaasona, aru aitu laga kaam khan ki kowa koi dise. Aito pora kun matha ase,aitu kinna daam, aitu tran korta kun, eneka. Iku sande (doubt) rakhi diya nai aitu ki aru aitu laga kaam kora keneka kowa. Nomuna to Isor laga kotha keneka sabha ase jineka sabha ase.

Eneka hoi kene amikhan kori bo le thaka kaam to Bible bhalke adhyann koribo teneka hoi ekta matro thakha girja to janibo. Aitu laga sahi kotha sikhi lowa pichete, aitu aru anusoron kora bichete,tetiya amikhan aitu girja laga sadasya khan hoijabo,tetiya amikhan aitu girja Probhu pora moolatah (originally) sthapit kora ekei hoijabo. Bij pora ekei jat utpadon kora nisene aru Isor

kotha pora khristan khan utpadon koribo aru aji bhi Prbhu laga girja laga sadasya hoijabo akeite teneka ase jineka hobo hamesha.

Khrista laga girja pabo pare somogra bishote. Aitu iyat ase aru sakalote. Aito thakibo pare jikono jagah te aru jikono somai manu pora Bible pora ki sikhaise etu kora jagah te thakibo girja. Aru aitu thaka rukhi jabo manu khan pora Isor laga mon kora rukha jagah te.

Aji Khrista laga girja akei bari ase aru kilemane biypi (spreading) hoi ase kilemane etu Bible matro anusoron kori ase. Etu pora bibhajon kora ninda korise aru Khrista ke unit(exalts) kore. Apni khan Bible te porhi kene powa girja tu etu hoi. Etu sanmissron dhomogusthi khan bhi nahoi. Etu protestant bhi nahoi, catholic nahoi athabaa aru samprodayik (sectarian) bhi nahoi. Tetiya etu ki hoi? Xahajate(simply) Probhu laga girja ase. Etuhei hoise.

Probhu laga girja parthiwa (earthly) matha nai athabaa parthiwa matha thakha jagah khan nai. Etu pora manu konodebhi unnit nakore. Super sangathon shararik proggyo(carnal wisdom) pora bonawa nahoi. Protikto mon-dali swadhin (independent) hoi nijor burakhan aru dikansokol khan (deacons), prosaroksakal khan(preachers),sikhasokol khan aru sadasya khan pora sthaniy sangthon hoi. Ekta sadasya ke dusra khan laga uporte utjah kori narakhe kilemane girja te dhormoguru athabaa leiti nai.

Khrista laga girja tai laga dusman khan thaki ase aru teneka aji bhi ase dusman khan. Dhormiy sangathon khan laga manu khan Etu girja ke birodhita kori kilemane tai khan laga udaharon girja pora anusoron nakore. Etu girja ke taikhan gin kore kilemane taikhan ke felship nakoribo aru Isor goti nibida(-bid) nakori bo girja pora. Taikhan balke jane konoba Bible matro ke anusoron koribole khusis korise kisuman to kowa to taikhan manu laga sikshak anusoron kora somai te. Taikhan jane Bible laga girja Khrista matro ke anusoron kore aru tai laga naam he penti kowa, taikhan manu ke anusoron kore aru manu laga naam khan he penti somai te. Khrista laga girja ke yuddh koribo korane astrakhan (weapons) to sahi nahoi, manukhan laga hridai (hearts) te pokhopat kora (prejudice) galat ke bujai diya aru galat ke girja bhulkoi uposthapon kora (misrepresenting) eneka eneka. Eneka kosto kora kaam to bekar ase.

Probhu laga girja bijayeesamorik (victorious) jug kan par hoi kene ahise. Duniya laga dusman khan sob aru norok laga chyatan pora bhi tai ke rakhi bo napare. Tai nambor te shoto hobo pare tai laga sario fale thaka khan ke sai le kintu bochabole manu olop man he hobo koise (Matthew 7:13-14). Khrista ekta matro girja ase aru tai ek din punor ahibo etu ekta matro thakha girja korane (Ephesians 5:27; John 14:1-6). Tai tai laga rajya laga raja ase aru tai Isor logote etu bili (deliver) koribo nimite (1 Corinthians 15:24). Tai ase

kintu ekta matro kaina (bride) (Revelation 21:9), aru tai punor (again) ahi ase ek din etu kaina tai laga naam penti kene thaka ke lobole. Dusra khan ke to ki hobo? Taikhan tai pora apnikhan kun ase moi najane koidibo (Matthew 7:21-23). Taikhan ke tai pora utthai loikene pelabo (Matthew 15:13). Taikhan ke jama kori loi kene jui te pelai dibo.

Aji amikhan laga abedon to sabha Notun Niom laga khristan hobole korane ase. Isor laga baikkote uvti ahibi aru etu pora apni ke nirdeksona (guide) hobi. Bible janibi etu hoile hosa to janibo. Etu pora ki koi etu koribi eneka hoi kene apni bochibo aru Probhu laga girja apni pora Bible pori kene powa girja to te dhalidibo.

Apni Khrista laga girja laga sadasya nahoi kole to amikhan utsah diase sadasya hobo le korane. Isor ke biswas koribi, apni laga paap khan pora anutap koribi, Khrista ke Isor laga chokra ase koi kene shikar koribi, aru baptizma lobi teneka hoi kene tumi bochibo (Mark 16:16; Romans 10:10; Acts 2:38). Aru probhu pora tumike Tailaga girja te dhalidibo aru apni khristan hoijabo (Acts 2:47; Acts 11:26). Apni etu koribo na ki? Konobi apnike etu koribole japardasti nakore, amikhan biswas ase mane apni apni laga Bible adhyayn korile khristan he hobole mon koribo aru thaka jibon Probhu korane jibole korane aru tai laga rajya laga simanto biypaa(spread) koribole khusis koribo.

PROSNA KHAN

Morom pora sahi uttor dibi

1. Ketiya girja sthapit korise?
2. Girja to ajibhi ase ne nai?
3. Etu girja to Probhu laga girja ase kowa proman koribole shosho sal par hoikene dag koribo lage na ki?
4. Kiman din rajya khara hoi thakibo koise Probhu pora?
5. Rajya laga bij ki ase?
6. Etu bij pora aji ki utpadon koribo?
7. Isor pora Noah aru Moses ke ki dise kobi?
8. Probhu laga girja laga nomuna kote ase?
9. Probhu laga girja laga chinaktokoron (marks of identification) rosona kora kote ase?
10. Probhu pora amikhan ke girja laga bihoye ki koise?
11. Kene kori kene amikhan Bible laga hosa girja to janibo paribo?
12. Khrista laga girja aji kote pabo?
13. Etu girja dhormogusthi ekta asena ki?

14. Etu girja parthiwa matha athaba mukhya karjaloy khan asena ki?
15. Etu girja laga dusman khan kun khan ase?
16. Taikhan laga astra (weapon) ki ase?
17. Etu girja jug khan par hoikene bijayee hoi naki?
18. Ki korane Khrista uvti ahi ase?
19. Amikhan abedon ki ase?
20. Ekjon pora Khristan hobole karone aru Khrista laga girja laga sadasya ekta hobole karone ki khojbor lobo lage kowa khojbor khan dibi.

Morom pora sahi athabaa galati gul(circle) kori bi

- | | | |
|-------------|---------------|--|
| SAHI | GALATI | 1. Khrista pora sthapit kora girja aji bi ase. |
| SAHI | GALATI | 2. Ekta matro sahi girja ase. |
| SAHI | GALATI | 3. Etu pora Khrista laga naam penti. |
| SAHI | GALATI | 4. Ekjon pora bochibo korane etu girja laga sadasya hobo lage. |
| SAHI | GALATI | 5. Khrista ek din ahi ase tai laga girja korane. |